

全上古三代秦漢三國六朝文

全隋文卷二十六

烏程嚴可均校輯

長孫平

平字處均河南洛陽人周柱國儉子仕武帝爲衛王侍讀建德初拜開府樂部大夫宣帝卽位爲小司寇大象中代賀若弼爲壽州刺史隋受禪徵拜度支尚書轉工部尚書歷汴許貝三州刺史轉相州刺史免尋進位大將軍拜太常卿判吏部尚書事仁壽中卒諡曰康

上書請積穀

臣聞國曰民爲本民曰食爲命勸農重穀先王令軌古者二年耕而餘一年之積九年作而有三年之儲雖水旱爲災而民無菜色皆由勸導有方蓄積先備者也去年亢陽關右饑饉陛下運山東之粟置常平之官開發倉庾特加賑賜大德鴻恩可謂至矣然經

國之道義資遠算請勸諸州刺史縣令勸農積穀爲務隋書長孫平傳  
奏立義倉定式

古者二年耕而餘一年之積九年作而有三年之儲雖水旱爲災而人無菜色皆由勸導有方蓄積先備故也去年亢陽關內不熟陛下哀愍黎元甚于赤子運山東之粟置常平之官開發倉廩普加賑賜少食之人莫不豐足鴻恩大德前古未比其強宗富室家道有餘者皆競出私財遞相賙贈此乃風行草偃從化而然但經國之理須存定式隋書食貨志

長孫晟

晟字季晟河南洛陽人魏上黨王稚曾孫仕周武帝爲司衛上士大象中遷奉車都尉隋受禪授車騎將軍進儀同三司左勳衛車騎將軍加開府進驃騎將軍持節護突厥授上開府煬帝卽位拜左領軍將軍相州刺史轉武衛將軍遷右驍衛將軍大

業五年卒至唐貞觀中日子無忌貴追贈司空上柱國齊國公  
諡曰獻

### 表奏宣北伐

臣夜登城樓望見磧北有赤氣長百餘里皆如雨足下垂被地謹  
驗兵書此名灑血其下之國必且破亡欲滅匈奴宜在今日

長孫晟還大利城安撫  
新附仁壽元年晟表奏

### 上書進離間突厥計

臣聞喪亂之極必致升平是故上天啓其機聖人成其務伏惟皇  
帝陛下當百王之末膺千載之期諸夏雖安戎場尚梗興師致討  
未是其時棄于度外又復侵擾故宜密運籌策漸自壞之計失則  
百姓不寧計得則萬代之福吉凶所係伏願詳思臣于周末忝充  
外使匈奴倚伏實所具知玷厥之于攝圖兵強而位下外名相屬  
內隙已彰鼓動其情必將自戰又處羅侯者攝圖之弟姦多而勢

弱曲取于眾心。國人愛之。因爲攝圖所忌。其心殊不自安。迹示彌縫。實懷疑懼。又阿波首鼠。介在其間。頗畏攝圖。受其牽率。唯強是與。未有定心。今宜遣交而近攻。離強而合弱。通使玷厥。說合阿波。則攝圖迴兵。自防右地。又引處羅遣連奚。霍則攝圖分眾。還備左方。首尾猜嫌。腹心離阻。十數年後。承弊計之。必可一舉而空其國矣。

隋書長孫晟傳

奏許染干尚主

臣觀雍閭反覆無信。特共玷厥有陳。所曰依倚國家。縱與爲婚。終當必叛。今若得尚公主。承藉威靈。玷厥染干。必又受其徵發。強而更反。後恐難圖。且染干者。處羅侯之子也。素有誠款。于今兩代。臣前與相見。亦乞通婚。不如許之。招令南徙。兵少力弱。易可撫馴。使敵雍閭。自爲邊捍。

隋書長孫晟傳。開皇十三年。遣晟殺大義公主。雍閭又表請婚。食議將許之。晟又奏。

奏徙染干部落。

染干部落歸者既眾雖有長城之內猶被雍閭抄略往來辛苦不得寧居請徙五原已河爲固于夏勝兩州之間東西至河南北四百里掘爲橫塹令處其內任情放牧免于抄略人必自安隋書長孫晟傳

奏請招慰都藍部落

今王師臨境戰數有功城內攜離其主被殺乘此招誘必竝來降請遣染干部下分頭招慰隋書長孫晟傳二十年都藍大亂爲其部下所殺晟因奏請

賀婁子幹

子幹字萬壽代人世居關右仕周武帝爲司水上士累遷小司水封思安縣子尋授使持節儀同大將軍大象中除秦州刺史進爵爲伯自從平尉遲迥功進上開府封武川縣公隋受禪進封鉅鹿郡公鎮涼州授上大將軍徵授工部尚書仍鎮涼州授榆關總管雲州刺史仍拜雲州總管開皇十四年卒諡曰懷  
上書言隴右機宜

比者兇寇侵擾，蕩滅之期匪朝伊夕。伏願聖慮勿已，爲懷今臣在此，觀機而作，不得準詔行事。且隴西河右，土曠民稀，邊境未寧，不可廣爲田種。比見屯田之所，獲少費多，虛役人功，卒逢踐暴，屯田疏遠者，請皆廢省。但隴右之民，已畜牧爲事，若更屯聚，彌不獲安。只可嚴謹斥候，豈容集人聚畜，請要路之所，加其防守。但使鎮戍連接，烽候相望，民雖散居，必調無慮。隋書賀蘭子幹傳：高祖曰：隴右營田積穀已備，不虞子幹上書。

賀若弼

弼字輔伯，河南雒陽人。仕周爲齊王憲記室，封當亭縣公。遷小內史。大象中，爲壽州刺史，改封襄邑縣公。入隋，拜吳州總管，已平陳功，進爵宋國公，拜右領軍大將軍，轉右武侯大將軍。已怨望，免官。大業三年，誅。

御授平陳七策

其一詰廣陵輒兵一萬番代往來陳人初見設備後已爲常及大兵南伐不復疑也

其二使兵緣江時獵人馬喧噪及兵臨江陳人曰爲獵也

其三召老馬多買陳船而匿之買弊船五六十艘于廣內陳人謂曰爲內國無船

其四積葦荻于揚子津其高蔽艦及大兵將度乃卒通瀆于江其五塗戰船曰黃與枯荻同色故陳人不預覺之

其六先取京口倉儲速據白土岡置兵死地故一戰而剋

其七臣奉敕兵曰義舉及平京口俘五千餘人便悉給糧勞遣付其敕書命別道宣喻是日大兵度江莫不草偃十七日之閒南至

林邑東至滄海西至象林皆悉平定北史六十八賀若弼傳平陳後六年弼撰其畫策上之謂

爲弼授平陳七策上弗省曰公欲發揚我名我不求名公宜自載家傳

度江祝



勸親承廟略、遠振國威、伐罪弔民、除凶翦暴、上天長江、鑒其若此、如使福善禍淫、大軍利涉、如事有乖違、得葬江魚腹中、死且不恨、  
隋書賀若弼傳

于仲文

仲文字次武、河南維陽人、周太傅謹孫、爲趙王胤遷安固太守、徵爲御正下大夫、封延壽郡公、授儀同三司、宣帝時爲東郡太守、靜帝初授開府、進位大將軍、領河南道行軍總管、隋受禪、坐事下獄免、歷行軍元帥、行軍總管、總晉王府事、仁壽初拜太子右衛率、煬帝卽位、遷右翊衛大將軍、進位光祿大夫、遼東之敗、繫獄發病卒、

獄中上隋文帝書

臣聞春生夏長、天地平分之功、子孝臣誠、人倫不易之道、曩者尉迴逆亂、所在影從、臣任處關河、地居衝要、嘗膽枕戈、誓曰必死、迴

時購臣位大將軍邑萬戶臣不顧妻子不顧身命冒白刃潰重圍  
三男一女相繼淪沒披露肝膽馳赴闕庭蒙陛下授臣曰高官委  
臣曰兵革于時河南兇寇狼顧嗚張臣曰羸兵八十歸除氛祲摧  
劉寬于梁郡破檀讓于蓼隄平曹州復東郡安城武定永昌解臺  
州圍殄徐州賊席毗十萬之眾一戰土崩河南蟻聚之徒應時戡  
定當羣兇問鼎之際黎元乏主之辰臣第二叔翼先在幽州總馭  
燕趙南鄰羣寇北捍旄頭內外安撫得免罪戾臣第五叔智建旗  
黑水與王謙爲鄰式遏蠻貊鎮綏蜀道臣兄顓作牧淮南坐制勅  
敵乘機勦定傳首京師王謙竊據二江板換三蜀臣第三叔義受  
賑廟廷恭行天討自外父叔兄弟皆當文武重寄或銜命危難之  
間或侍衛鉤陳之側合門誠款冀有可明伏願下泣辜之恩降雲  
雨之施追草昧之始錄涓滴之功則寒灰更然枯骨生肉不勝區  
區之至謹冒死曰聞

隋書于仲文傳文苑  
英華六百七十三

詐移書州縣

于宣敏

王

大將軍至可多積粟

隋書于  
仲文傳

于宣敏

宣敏字仲達仲文從父弟仕周爲右侍上士遷千牛衛身隋受  
禪拜奉車都尉

述志賦

文侯

請呂賊屬爲蜀王疏

臣聞開盤石之宗漢室于是惟永建維城之固周祚所曰靈長昔  
秦皇置牧守而罷諸侯魏后嚙諂邪而疏骨肉遂使宗社移于他  
族神器傳于異姓此事之明甚于觀火然山川設險非親勿居且  
蜀土沃饒人物殷阜西通叩契南屬荆巫周德之衰茲土遂成戎  
首炎政失御此物便爲禍先是呂明者防于無形治者制其未亂  
方可慶隆萬世年逾七百伏惟陛下日角龍顏膺樂推之運參天

貳地居指讓之期億兆宅心百神受職理須樹建藩屏封植子孫  
繼周漢之宏圖改秦魏之覆軌抑近習之權勢崇公族之本枝但  
三蜀三齊古稱天險分王戚屬今正其時若使利建合宜封樹得  
所巨猾息其非望姦臣杜其邪謀威業洪基同天地之長久英聲  
茂實齊日月之昭臨臣雖學謝多聞然情深體國輒申管見戰灼  
惟深隋書十宣敏傳高祖降  
奉使撫慰巴蜀及還上疏

裴肅

肅字神封河東聞喜人

北史作解人

魏尚書令潛十世從孫周天和

中舉秀才爲給事中士累遷御正下大夫大象中免開皇中授

膳部侍郎歷朔州總管長史轉貝州長史大業中授永平郡丞

上書理高顯皇太子勇蜀王秀

臣聞事君之道有犯無隱愚情所懷敢不聞奏竊見高顯曰天挺  
良才元勳佐命陛下光寵亦已優渥但鬼瞰高明世疵後異側目

求其長短者豈可勝道哉。願陛下錄其大功忘其小過。臣又聞之古先聖帝。敎而不誅。陛下至慈。度越前聖。二庶人得罪已久。寧無革心。願陛下弘君父之慈。順天性之義。各封小國。觀其所爲。若能遷善。漸更增益。如或不悛。貶削非晚。今者自新之路永絕。愧悔之心莫見。豈不哀哉。

隋書裴肅傳仁壽中肅見皇太子勇蜀王秀左僕射高穎俱廢黜遣使上書

史祥

祥字世休朔方人仕周爲太子車右中士襲父寧爵武遂縣公。隋受禪拜儀同領交州事進封陽城郡公轉驃騎將軍進位上開府。朔州總管徵拜左翊衛將軍遷右衛將軍煬帝卽位進位上大將軍轉太僕卿遷鴻臚卿進左光祿大夫左驍衛將軍從征遼東失利除名爲民尋拜燕郡太守爲高開道所獲送于羅荻道卒。

荅皇太子庶書

行人戾止奉所賜脫恩紀綱繆形于文墨不悟飛雪增冰之地忽  
載三陽義幙韋韞之鄉俄聞九奏精駭思越莫如啟處祥少不學  
軍旅長遇升平幸已先人緒餘備職宿衛懼駑蹇無致遠之用朽  
薄非折衝之材豈欲追蹤古人語其優劣曩者王師薄伐天人受  
脈絕漠揚旌威震海外當此之時猛將如雲謀夫如雨至若祥者  
列于卒伍預聞指蹤之規得免逗遛之責循涯揣分實爲幸甚爰  
言情喻雷陳事方劉葛信聖人之屈己非庸人之擬議何則川澤  
之大汗潦攸歸松柏之高薦蘿斯託微心下悃孟侯所知也仰惟  
體元良之德煥重離之暉三善克脩萬邦已正斯固道高周誦契  
叶商皓豈在管蠡所能窺測伏承監國多暇養德怡神咀嚼六經  
逍遙百氏追西園之愛客眷南皮之出遊疇昔之恩無忘造次祥  
自忝式遏載懼寒暑身在邊隅情馳魏闕每至清風夕起朗月孤  
照想鳴葭之啟路思託乘于後車塞表京華山川悠遠瞻望浮雲

伏增清結

隋書史祥傳文苑英華六百六十七

鄭善果

鄭善果

善果，滎陽人。周大象中，召父誠拒尉遲迥戰死，襲爵開封縣公。授使持節大將軍、開皇初，進封武德郡公。歷沂景二州刺史，尋爲魯郡太守。大業中，徵拜光祿卿，徙大理卿。

送舍利沂州善應寺感應表

臣聞敬天育物，則乾象著其能；順地養民，則坤元表其德。是召陶唐，砥躬勿懈；伏氣呈祥，夏后水土成功。玄圭告錫，方知天時人事；影響若神，伏惟陛下秉圖措讓，受命君臨。區宇無塵，聲教盡一；含弘光大，慈愍無邊。天佛垂鑒，降茲榮福；塔基六處，竝得異沙。炫耀相暉，俱同金寶；牛爲禮拜，太古未經；雲騰五色，于今方見。又感地形雜采，盤旋塔基；鶴颺玄素，徘徊空際。雖軒皇景瑞，空傳舊章；漢帝慶徵，徒書簡冊。自非德降三寶，道冠百王，豈能感斯美慶，致招

靈異法苑珠林三十三結

高僧傳十二法彥

劉暉

暉仕周入隋位儀同太史令開皇十七年除名

駁張胄立新曆

命曆序僖公五年天正壬子朔旦冬至左氏傳僖公五年正月辛亥朔口南至張賓曆天正壬子朔冬至合命曆序差傳一日張胄立曆天正壬子朔合命曆序差傳一日甲寅冬至差命曆序二日差傳三日成公十二年命曆序天正辛卯朔旦日至張賓曆天正辛卯朔冬至合命曆序張胄立曆天正辛卯朔合命曆序二日壬辰冬至差命曆序一日昭公二十年春秋左氏傳二月己丑朔旦南至準命曆序庚寅朔旦日至張賓曆天正庚寅朔冬至並合命曆序差傳一日張胄立曆天正庚寅朔合命曆序差傳一日二日辛卯冬至差命曆序一日差傳二日宜案命曆序及春秋左氏傳



竝閏餘盡之歲皆須朔旦冬至若依命麻序勘春秋三十七食合處至多若依左傳合者至少是日知傳爲錯今張胃玄信情置閏命麻序及傳氣朔竝差又宋元嘉冬至影有七張賓麻合者五差者二亦在前一日張胃玄麻合者三差者四在後一日元嘉十二年十一月甲寅朔十五日戊辰冬至日影長張賓麻合戊辰冬至張胃玄麻己巳冬至差後一日十三年十一月己酉朔二十六日甲戌冬至日影長張賓麻癸酉冬至差前一日張胃玄麻合甲戌冬至十五年十一月丁卯朔十八日甲申冬至日影長二麻竝合甲申冬至十六年十一月辛酉朔二十九日己丑冬至日影長張賓麻合己丑冬至張胃玄麻庚寅冬至差後一日十七年十一月乙酉朔十日甲午冬至日影長張賓麻合甲午冬至張胃玄麻乙未冬至差後一日十八年十一月己卯朔二十一日己亥冬至日影長張賓麻合己亥冬至張胃玄麻庚子冬至差後一日十九年

十一月癸卯朔三日乙巳冬至日影長張賓厯甲辰冬至差前一日張胃立厯合乙巳冬至又周從天和元年丙戌至開皇十五年乙卯合得冬夏至日影一十四張賓厯合得者十差者四三差前一日一差後一日張胃立厯合者五差者九八差後一日一差前一日天和二年十一月戊戌朔三日庚子冬至日影長張賓厯合庚子冬至張胃立厯辛丑冬至差後一日三年十一月壬辰朔十四日乙巳冬至日影長張賓厯合乙巳冬至張胃立厯丙午冬至差後一日建德元年十一月己亥朔二十九日丁卯冬至日影長張賓厯丙寅冬至差前一日張胃立厯合丁卯冬至二年五月丙寅朔三日戊辰夏至日影短張賓厯己巳夏至差後一日張胃立厯庚午夏至差後二日三年十一月戊午朔二十日丁丑冬至日影長張賓厯合丁丑冬至張胃立厯戊寅冬至差後一日六年十一月庚午朔二十三日壬辰冬至日影長張賓厯合壬辰冬至張

曹立麻癸巳冬至差後一日宣政元年十一月甲午朔五日戊戌  
冬至日影長兩麻竝合戊戌冬至開皇四年十一月己未朔十一  
日己巳冬至日影長張賓麻合己巳冬至張曹立麻庚午冬至差  
後一日五年十一月甲寅朔二十二日乙亥冬至日影長張賓麻  
甲戌冬至差前一日張曹立麻合有脫庚辰冬至七年五月乙亥  
朔九日癸未夏至日影短張賓麻壬午夏至差前一日張曹立麻  
合癸未夏至十一月壬申朔十四日乙酉冬至日影長張賓麻合  
乙酉冬至張曹立麻丙戌冬至差後一日十一年十一月己卯朔  
二十八日丙午冬至日影長張賓麻合丙午冬至張曹立麻丁未  
冬至差後一日十四年十一月辛酉朔旦冬至張賓麻合十一月  
辛酉朔旦冬至張曹立麻十一月辛酉朔二日壬戌冬至差後一  
日建德四年四月大乙酉朔三十日甲寅月晨見東方張賓麻四  
月大乙酉朔三十日甲寅月晨見東方張曹立麻四月小乙酉朔

五月大甲寅朔月晨見東方。宐案影極長爲冬至影極短爲夏至。二至自古史分可勘者二十四。其二十一有影。三有至日無影。見行曆合一十八差者六。張胄立曆合者八差者一十六。二差後二日。一十四差後一日。又開皇四年在洛州測冬至影與京師二處進退絲毫不差。周天和已來案驗在後更檢得建德四年晦朔東見張胄立曆五月朔日月晨見東方。今十七年張賓曆閏七月張胄立曆閏五月。又審至日定閏。胄立曆至既不當。故知置閏必乖。見行曆四月五月頻大。張胄立曆九月十月頻大。爲胄立朔弱。頻大在後晨故朔日殘月晨見東方。宜又案開皇四年十二月十五日癸卯依曆月行在鬼三度時加酉月在卯上食十五分之九。虧起西北。今伺候一更一籌起食東北角十五分之十。至四籌還生。至二更一籌復滿。五年六月三十日依曆太陽虧日在七星六度。加時在午少強上食十五分之一半。強虧起西南角。今伺候日乃

在午後六刻上始食虧起西北角十五分之六至未後一刻還生至五刻復滿六年六月十五日依厓太陰虧加時酉月在卯上食十五分之九半弱虧起西南當其時陰雲不見月至辰巳雲裏見月已食三分之二虧從東北卽還雲合至巳午間稍生至午後雲裏還見已復滿十月二十日丁丑依厓太陽虧日在斗九度時加在辰少弱上食十五分之九強虧起東北角今候所見日出山一丈辰二刻始食虧起正西食三分之二辰後二刻始生入巳時三刻上復滿十年三月十六日癸卯依厓月行在氏七度時加戌月在辰太半上食十五分之七半強虧起東北今候月初出卯南帶半食出至辰初三分可食二分許漸生辰未已復滿見行厓九月十六日庚子月行在胃四度時加丑月在未半強上食十分之三半強虧起正東今伺候月巳午後二刻食起正東須臾如南至未正上食南畔五分之四漸生入申一刻半復滿十二年七月十五

日己未依厯月行在室七度時加戌月在辰太強上食十五分之十二半弱虧起西北今伺候一更三籌起西北上食准三分之二強與厯注同十三年七月十六日依厯月在申半強上食十五分之半弱虧起西南十五日夜從四更候月五更一籌起東北上食半強入雲不見十四年七月一日依厯時加己弱上食食十五分之十二半強至未後三刻日乃食虧起西北食半許入雲不見食頃暫見猶未復生因卽雲鄴十五年十一月十六日庚午依厯月行在井十七度時加亥月在己半上食十五分之九半強虧西北其夜一更四籌後月在辰上起食虧東南至二更三籌月在己上食三分之二許漸生至三更一籌月在丙上復滿十六年十一月十六日乙丑依厯月行在井十七度時加丑月在未太弱上食十五分之十二半弱虧起東南十五日夜伺候至三更一籌月在丙上雲裏見已食十五分之三許虧起正東至丁上食既後從東南

生至四更三籌月在末末復滿而曹玄不能盡中

隋書律曆志中開皇十七年張

曹玄曆成矣之上什楊素等校其短長劉暉與國子助教王頤等執舊曆術迭相駁難與同

曆劉宜接據古史影等駁曹玄云

賜進士出身二品銜廣東學憲提刑按察使司按察使兼督驛傳事務黃岡王毓藻校刊

全隋文卷二十七

烏程嚴可均校輯

劉炫

炫字光伯河間景城人周建德末爲州戶曹從事後署禮曹從事開皇中除殿中將軍坐事除名後爲旅騎尉大業中射策高第除太學博士去職凍餒死門人謚曰宣德先生有尙書述義二十卷毛詩述義四十卷注詩序一卷春秋左氏傳述義四十卷春秋左氏傳杜預序集解一卷春秋攻昧十二卷規過三卷古文孝經述義五卷論語述義十卷五經正名十二卷算術一卷

筮塗

北史八十二炫擬屈原卜居爲筮塗曰自寄

駁牛弘禮絕傷椿議

吏部尙書牛弘建議曰爲禮諸侯絕傷椿大夫降一等今之上柱



國雖不同古諸侯比大夫可也官在第二品宜降傍親一等議者多曰爲然炫駁之曰古之仕者宗一人而已庶子不得進由是先王重適其宗子有分祿之義族人與宗子雖疏遠猶服縗三月良由受其恩也今之仕者位曰才升不限適庶與古旣異何降之有今之貴者多忽近親若或降之民德之疏自此始矣

隋書劉炫傳

撫夷論

北史八十二炫曰爲遼東不可伐作撫夷論曰魏及大業之季炫言方驗

自狀

周禮禮記毛詩尚書公羊左傳孝經論語孔鄭王何服杜等注凡十三家雖義有精粗竝堪講授周易儀禮穀梁用功差少史子文集嘉言美事咸誦于心天文律厯窮蘖微妙至于公私文翰未嘗

假手

隋書劉炫傳

自贊

通人司馬相如揚子雲馬季長鄭康成等皆自敘風徽傳芳來葉

余豈敢仰均先達貽笑後昆徒日迫桑榆大命將近故友飄零  
門徒雨散溘死朝露埋魂朔野親故莫照其心後人不見其迹殆  
及餘喘薄言胸臆貽及行邁傳示州里使夫將來俊哲知余鄙志  
耳余從縮髮以來迄于白首嬰孩爲慈親所恕極楚未嘗加從學  
爲明師所矜榎楚弗之及暨乎敦敘邦族交結等夷重物輕身先  
人後己昔在幼弱樂參長者爰及耆艾數接後生學則服而不厭  
誨則勞而不倦幽情寡過心事多違內省生平顧循終始其大幸  
有四其深恨有一性本愚蔽家業貧窶爲父兄所饒廁搢紳之末  
遂得博覽典誥窺涉今古小善著于丘園虛名聞于邦國其幸一  
也隱顯人間沈浮世俗數忝徒勞之職久執城旦之書名不挂于  
白簡事不染于丹筆立身立行慙恩實多啟手啟足庶幾可免其  
幸二也曰此庸虛屢動神眷曰此卑賤每升天府齊鑣驥騄比翼  
鵬鴻整綳素于鳳池記言動于麟閣參謁宰輔造請羣公厚禮殊

恩增榮改價其幸三也。書漏方盡大釜已嗟退反初服歸骸故里。翫文史曰怡神閱魚鳥曰散慮觀省井園登臨園沼緩步代車無罪爲貴其幸四也。仰休明之盛世慨道敎之陵遲蹈先儒之逸軌傷羣言之蕪穢馳騫墳典釐改僻謬修撰始畢圖書適成天違人願途不我與世路未夷學校盡廢道不備于當時業不傳于身後銜恨泉壤實在茲乎其深恨一也。隋書劉炫傳北史八十二

劉焯

焯字士元信都昌亭人周末爲州博士開皇中冀州刺史趙襲引爲從事舉秀才射策甲科直門下省除員外將軍假歸爲縣功曹後入國子坐事除名仁壽末除雲騎尉煬帝卽位遷太學博士曰疾去職有稽極十卷麻書十卷

上皇太子啟論律呂

樂主于音音定十律音不呂律不可克諧度律均鍾于是乎在但

律終小呂、數復黃鍾、舊計未精、終不復始、故漢代京房妄爲六十、而宋代錢樂之更爲三百六十、攷禮詮次、豈有得然、化未移風、將恐由此、匪直長短失于其差、亦自管圍乖于其數、又尺寸意定、莫能詳攷、旣亂管絃、亦乖度量、焯皆校定、庶有明發、其黃鍾管六十、三爲實、曰次、每律減三分、曰七、爲寸、法約之、得黃鍾長九寸太簇長八寸一分四釐、林鍾長六寸、應鍾長四寸二分八釐、七分之四、隋書律志上

上皇太子啟論渾天

璿璣玉衡、正天之器、帝王欽若、世傳其象、漢之孝武、詳攷律曆、糾洛下閎、鮮于妄人等、共所營定、逮于張衡、又尋述作、亦其體制、不異閎等、雖閎制莫存、而衡造有器、至吳時陸績、王蕃、並要修鑄、績小有異、蕃乃事同、宋有錢樂之、魏初晁崇等、總用銅鐵、小大有殊、規域經模、不異蕃造、觀蔡邕月令章句、鄭玄注、考靈曜、勢同衡法、

迄今不改，焯曰：愚管，留情推測，見其數制，莫不違爽失之千里。差在毫釐，大象一乖，餘何可驗？況赤黃均度，月無出入，分至所恆定，氣不別，衡分刻本差，輪迴守故，其爲疏謬，不可復言。亦旣由理不明，致使異家間出，蓋及宣夜三說並驅，平昕安宮，四天騰沸，至當不二，理唯一揆，豈容天體七種殊說？又影漏去極，就渾可推，百骸共體，本非異物，此真已驗。彼僞自彰，豈朗日未暉，燭火不息，理有而闕，詎不可悲者也？昔蔡邕自朔方上書曰：「日八尺之儀，度知天地之象，古有其器，而無其書，常欲寢伏儀下，案度成數，而爲立說。」邕曰：「負罪朔裔，書奏不許。」邕若蒙許，亦必不能。邕才不踰張衡，衡本豈有遺思也？則有器無書，觀不能悟，焯今立術，改正舊渾，又已二至之影，定去極器漏，并天地高遠星辰運周所宗有本，皆有其率。祛今賢之巨惑，稽往哲之羣疑，豁若雲披，朗如霧散，爲之錯綜數卷，已成。待得影差，謹更啟送周官，夏至日影尺有五寸。張衡鄭

玄王蕃陸績先儒等皆曰爲影千里差一寸言南戴日下萬五千里表影正同天高乃異攷之筭法必爲不可寸差千里亦無典說明爲意斷事不可依今交愛之州表北無影計無萬里南過戴日是千里一寸非其實差焯今說渾曰道里爲率道里既定得差乃審既大聖之年升平之日釐改羣謬斯正其時請一水工并解筭術士取河南北平地之所可量數百里南北使正審時日漏平地日繩隨氣至分同日度影得其差率里即可知則天地無所匿其形辰象無所逃其數超前顯聖效象除疑請勿曰人廢言不用書隋書

天文志上仁壽四年河間劉焯造皇極厯上載于東宮論渾天又見開元占經一

上皇太子啟

自木鐸寢聲緒言成燼羣生蕩析諸夏沸騰曲技雲浮疇官雨絕厯紀壞廢千百年矣焯曰庸鄙謬荷甄擢專精菽業耽翫數象自力羣儒之下冀覩聖人之意開皇之初奉敕修撰性不諧物功不

克終猶被胄玄竊爲已法未能盡妙協時多爽尸官亂日寶珎皇  
猷請徵胄玄答驗其長短

隋書律  
厯志下

言張胄玄新厯之誤于皇太子

其一曰張胄玄所上見行厯日月交蝕星度見留雖未盡善得其  
大較官至五品誠無所愧但因人成事非其實錄就而討論違舛  
甚眾

其二曰胄玄望晦朔違古且疏氣節閏候乖天爽命時不從子  
半晨前別爲後日日纏莫悟緩急月遠妄爲兩種月度之轉輒遺  
盈縮交會之際意造氣差七曜之行不循其道月星之度行無出  
入應黃反赤當近更遠虧食乖準陰陽無法星端不協珠璧不同  
盈縮失倫行度愆序去極晷漏應有而無食分先後彌爲煩碎測  
今不審攷古莫通立術之疏不可紀極今隨事糾較凡五百三十  
六條

其三曰、胄、玄、呂、開皇五年、與李文琮于張賓、麻行之後、本州貢舉、卽齋所造麻、擬曰上應其麻、在鄉陽流布、散寫甚多、今所見行、與焯前麻不異、玄前擬獻、年將六十、非是、忽迫倉卒、始爲何故、至京未幾、卽變同焯麻、與舊懸殊、焯作于前、玄獻于後、捨已從人、異同暗會、且孝孫因焯、胄、玄、後附孝孫麻術之文、又皆是孝孫所作、則元本偷竊、事甚分明、恐胄、玄、推諱、故依前麻爲駁、凡七十五條、并前麻本俱上、

其四曰、玄爲史官、自奏虧食、前後所上、多與麻違、今筭其乖舛、有一十三事、又前與太史令劉暉等、校其疏密、五十四事、云五十三條、新計後爲麻、應密于舊、見用筭推、更疏于本、今糾發竝前、凡四十四條、

其五曰、胄、玄、于麻、未爲精通、然孝孫初造、皆有意徵天推步、事必出生、不是空文、徒爲臆斷、



其六曰焯曰開皇三年奉敕修造顧循記注自許精微秦漢以來  
無所與讓尋聖人之迹悟曩哲之心測七曜之行得三光之度正  
諸氣朔成一厯象會通今古符允經傳稽于庶類信而有徵隋書律  
所遺焯法皆合省立所闕今則盡有隋志下舉括始終謂爲總備

仁壽四年焯言曹  
玄之誤于皇太子

王貞

貞字孝逸梁郡陳留人開皇初汴州刺史樊叔略引爲主簿後  
舉秀才授縣尉謝病去職

江都賦

文侯

謝齊王索文集啟

屬賀德仁宣敎須少來所有拙文昔公旦之才藝能事鬼神夫子  
之文章性與天道雅志傳于游夏餘波鼓于屈宋雕龍之迹具在  
風騷而前賢後聖代相師祖賞逐時移出門分路變清音于正始

體高致于元康咸言坐握蛇珠誰能獨爲麟角孝遂生于爭戰之季長于風塵之世學無半古才不逮人往屬休明寸陰已昃雖居可封之屋每懷貧賤之心適鄢郢而迷塗入邯鄲而失步歸來反覆心灰遂寒豈謂橫議過賢虛席容鑒枉高車曰載誕費明珠曰彈雀遂得裹糧二月重高門之餘地背淮千里望章臺之後塵與懸黎而並肆將駿驥而同阜終朝擊缶匪黃鍾之所諧旦暮卻行何前人之能及顧想平生彌塗多感但曰積年沈痼遺忘日久拙思所存纔成三十三卷仰而不至方見學仙之遠窺而不覩始知游聖之難咫尺天人周章不暇怖甚真龍之降慚過白豕之歸伏紙陳情形神懷越隋書王貞傳

劉孝孫

孝孫爲掖縣丞入直太史開皇十四年卒

駁張賓麻

其一云何承天不知分閏之有失而用十九年之七閏其二云賓等不解宿度之差改而冬至之日守常度其三云連珠合璧七曜須同乃曰五星別元其四云賓等唯知日氣餘分恰盡而爲立元之法不知日月不合不成朔旦冬至其五云賓等但守立元定法不須明有進退其六云賓等唯識轉加大餘二十九日爲朔不解取日月合會準日爲定此六事微妙麻數大綱聖賢之通術而暉未曉此實管窺之謂也若乃驗影定氣何氏所優賓等推測去之彌遠合朔順天何氏所劣賓等依據循彼迷蹤蓋是失其菁華得其糠粃者也

隋書律曆志中張賓之麻劉孝孫與冀州秀才劉焯並稱其失所發凡有六條

魏明帝時有尚書郎楊偉修景初曆乃上表立義駁難前非云加時後天食不在朔然觀楊偉之意故曰食朔爲真未能詳之而制其法至宋元嘉中何承天著麻其上表云月行不定或有遲疾合朔月食不在朔望亦非麻之意也然承天本意欲立合朔之術遭

皮延宗飾非致難故事不得行至後魏獻帝時有龍宜弟復修延  
興之厯又上表云日食不在朔而習之不廢據春秋書食乃天之  
驗朔也此三人者前代善厯皆有其意未正其書但厯數所重唯  
在朔氣朔爲朝會之首氣爲生長之端朔有告飭之文氣有郊迎  
之典故孔子命厯而定朔旦冬至曰爲將來之範今孝孫厯法竝  
案明文曰月行遲疾定其合朔欲令食必在朔不在晦二之日也  
縱使頻月一小三大得天之統大抵其法有三令列之云

第一勘日食證恆在朔引詩云十月之交朔日辛卯日有食之今  
曰甲子元厯術推算符合不差春秋經書曰合三十五二十七  
日食經書有朔推與甲子元厯不差八食經書竝無朔字左氏傳云  
不書朔官失之也公羊傳云不言朔者食二日也穀梁傳云不言  
朔者食晦也今曰甲子元厯推算俱是朔日丘明受經夫子於理  
尤詳公羊穀梁皆臆說也春秋左氏隱公三年二月己巳日有食

之

推合己巳朔

莊公十八年春三月日有食之

推合壬子朔

僖公十二年三

月庚午日有食之

推合庚午朔

十五年夏五月日有食之

推合癸未朔

襄公

十五年秋八月丁未日有食之

推合丁巳朔

前後漢及魏晉四代所記

日食朔晦及先晦都合一百八十一今曰甲子元祿術推之竝合

朔日而食前漢合有四十五食

三食竝先晦一日三十二食

後漢

合有七十四食

三十七食竝皆晦日

魏合有十四食

四食竝皆晦日

晉合有四十八食

二十五食竝皆晦日

第二勘度差變驗尚書云日短星昴曰正仲冬卽是唐堯之時冬

至之日日在危宿合昏之日時昴正午案竹書紀年堯元年丙子

今曰甲子元祿術推算得合堯時冬至之日合昏之時昴星正午

漢書武帝太初元年丁丑歲落下閏等攷定太初祿冬至之日日

在牽牛初今曰甲子元祿術算卽得斗末生初矣晉時有姜岌又

曰月食驗于日度知冬至之日日在斗十七度宋文帝元嘉十年

癸酉歲何承天攷驗乾度亦知冬至之日日在斗十七度雖言冬至後上三日前後通融只合在斗十七度但堯年漢日所在既殊唯晉及宋所在未改故知其度理有變左至今大隋甲辰之歲攷定厯數象曰稽天道知冬至之日日在斗十三度

第三勘氣影長驗春秋緯命厯序云魯僖公五年正月壬子朔旦冬至今日甲子元厯術推算得合不差宋書元嘉十年何承天曰土圭測影知冬至已差三日詔使付外攷驗起元嘉十三年爲始畢元嘉二十年八年之中冬至之日恆與影長之日差校三日今日甲子元厯術推算但是冬至之日恆與影長之日符合不差詳之如左十三年丙子天正十八日厯注冬至十五日影長卽是今厯冬至日十四年丁丑天正二十九日厯注冬至二十六日影長卽是今厯冬至日十五年戊寅天正十一日厯注冬至陰無影可驗今厯八日冬至十六年己卯天正二十一日厯注冬至十八日

影長卽是今厯冬至日十七年庚辰天正二日厯注冬至十月二十九日影長卽是今厯冬至日十八年辛巳天正十三日厯注冬至十一日影長卽是今厯冬至日十九年壬午天正二十九日厯注冬至陰無影可驗今厯二十二日冬至二十年癸未天正六日厯注冬至三日影長卽是今厯冬至日

同上

張胃立

胄玄渤海裔人開皇中徵授雲騎尉直太史參議律厯事擢拜員外散騎侍郎兼太史令改定新厯大業中卒官有七曜厯疏五卷

駁難劉焯皇極厯

焯厯有歲率月率而立定期月有三大三小案歲率月率者平朔之章歲章月也已平朔之率而求定朔值三小者猶似減三五爲十四值三大者增三五爲十六也校其理實並非十五之正故張

衡及何承天創有此意爲難者執數目校其率率皆自敗故不克  
成今焯爲定期則須除其平率然後爲可

隋書律  
麻志下

顏敏楚

敏楚開皇中爲內史通事舍人

上言新麻

漢時洛下閎改顓頊麻作太初麻云後當差一日八百年當有聖  
者定之計今相去七百一十年術者舉其成數聖者之謂其在公

平隋書張胃立傳又見律  
麻志中又北史八十九

陸法言

法言名慈字字行魏郡臨漳人開皇中爲承奉郎父爽嘗奏更  
皇太子諸子名字及太子廢而爽先卒文帝追案坐除名有切

韻五卷

切韻序



昔開皇初有儀同劉臻等八人同詣法言門宿夜永酒闌論及音韻呂令聲調既自有別諸家取舍亦復不同吳楚則時傷輕淺燕趙則多傷重濁秦隴則去聲爲入梁益則平聲似去又支脂魚虞共爲一韻先仙尤侯俱論是切欲廣文路自可清濁皆通若賞知音卽須輕重有異呂靜韻集夏侯該韻略陽休之韻略周思言音韻李季節音譜杜臺卿韻略等各有乖互江東取韻與河北復殊因論南北是非古今通塞欲更摺選精切除削疏緩蕭顏多所決定魏著作謂法言曰向來論難疑處悉盡何不隨口記之我輩數人定則定矣法言卽燭下握筆略記細紀博問英辯殆得精華于是更涉餘學兼從薄宦十數年間不遑修集今返初服私訓諸弟子凡有文藻卽須明聲韻屏居山野交游阻絕疑惑之所質問無從亡者則生死路殊空懷可作之歎存者則貴賤禮隔已報絕交之旨遂取諸家音韻古今字書呂前所記者定之爲切韻五卷剖

析豪釐分別黍累何煩泣玉未得縣金藏之名山昔怪馬遷之言  
太持已蓋醬今歎楊雄之口吃非是小子專輒乃述羣賢遺意  
敢施行人世直欲不出戶庭于時歲次辛酉犬隋仁壽元年  
宋本廣韻

蘇夔

夔字伯尼京兆武功人魏度支尚書綽孫歷太子通事舍人遷  
太子舍人加武騎尉仁壽末拜晉王友煬帝卽位遷太子洗馬  
轉司朝謁者免後歷尚書職方郎燕王司馬拜朝散大夫鴻臚  
少卿進通議大夫

駁鄭譯新樂有七調

韓詩外傳所載樂聲感人及月令所載五音所中竝皆有五不言  
變宮變徵又春秋左氏所云七音六律呂奏五聲準此而言每宮  
應立五調不問更加變宮變徵二調爲七調七調之作所出未詳  
隋書音樂志中柱國沛公鄭譯作八音之樂七音之外更立一聲  
謂之應聲因作書二十餘篇時邵國公世子裴夔亦稱明樂駁譯

常得志

得志京兆人一作德志爲秦王俊記室

兄弟論

并序

余曰天倫篤睦日重月深每惟兄弟孔懷在物無喻嘗讀陸士衡之兄弟文懃懃懇懇未嘗不廢卷歎息向其爲人而世人云陸機兄弟同居曰之爲異傷哉斯固異其所稀見也將恐悠悠千載不無此感故託陸之旨曰作論云

客謂陸平原曰吾聞天降地騰夫婦之情見矣星分岳列兄弟之義存焉是曰聖人之立教也上稽玄極下順人情故使判合爲同穴之親昆季有異居之道斯則人倫之大典豈作者之謬陳哉而子大夫名爲習禮伯仲無門庭之別室家無琴瑟之閒雖激揚風俗獨爲君子違道仕心將使先人事也事不師古蒙竊惑焉豈有說乎願聞其旨平原曰何居斯言之玷可謂末學膚受曾莫是師

卽如君子之談必且輕于身而累于俗疑作矣獨不聞夫六龍方

駕斯有御天之功駟馬班如用效行地之力是故大鵬之始宛轉

北溟鄧林之初婆娑下土至于羽翮相資遂能負蒼天而遊罩青

雲而立此則相須之道弘也至如梁山萬仞上干星辰楚殿三休

俯臨風雨及土石異勢榱桷分離與沙麓俱崩坳塘共泯此則相

須之道乖也是知同德者易爲功離心者難爲力在物猶爾而況

人乎然不善其疑作其大于不睦溺于情者薄于義寡于私者豐于

道故牝雞晨鳴三賢孥戮關雎樂得十亂同知故名賢之所聞豈

烏有之談也且夫兄弟者同天共地均氣連形方手足而猶輕擬

山岳而更重雲蛇可斷兄弟之道無分鵲鴿載飛急難之情斯切

先王知兄弟之爲重也故歌之于韶夏之舞誦之于風雅之篇敦

骨肉而正人倫風鬼神而動天地大矣哉請爲左右梗概其說夫

兄弟之情也受之于天性生之于自然不假物曰成親不因言而

結愛閨牆不妨于禦侮踰里猶惜于伐樹馭朽則須洛而歌鸞弓則涕泣而道斯乃情存于不捨義形于惻隱豈如悠悠良辰從容承歎而已是已四鳥禽也不能各離別之聲三荆木也不能忍分張之痛矧在人流有醜面目折枝分骨如何勿傷至于夫妻之爲義矣非有血屬之親譬猶風虎雲龍騰嘯相感如髣彼兩髦結歡二族始有共牢之禮終爲同穴之親斯亦未爲輕也然而德在聽從主唯蘋藻不可已寄百里之命不可已託六尺之孤況有棄姓無常拂衣再醮至如買臣之室主父之妻固未可已言也自非道韻移天德均惟鵲孰能長螽斯之羽翼茂葛藟之本根者乎是已通人君子動無失德全同生之重則恭順有章戒惟家之索而椒蘭無替夫妻和于鼎飪兄弟穆于清風綠衣無口口之悲角弓匪驛驛之歎其或分星宅土開國承家則能藩屏維城左右王室力足拔山不敢問九鼎之重才能動俗不敢窺司馬之門遂使封豕

長蛇望國門而斂迹并蛙慕燕觀盤石而飛鳴故能本支百代洪  
基峻極配合二儀平章百姓其在白屋黃冠華門圭竇三逕五畝  
有足相容至有同衾共席推梨讓棗樂已簞瓢榮同華萼死生契  
闊白刃交前弟瘦兄肥無胥遠矣爾其友于怡怡揚名已顯高視  
風俗長揖搢紳斯又足爲樂也而無賴之徒不思其友或溺于私  
愛棄彼天倫生在膏腴乘藉地勢錫珪分竹奄有山河不能輔車  
相依股肱同患乃欲搖動我家宗拔塞我本源竟而青蠅飛于千  
旌無極遊于二墨集矢長勺撫劍共池是已五爭四裂非關地闢  
之妖九合一匡猶見蟲流之禍鬼神不勝其酷生民不勝其樊吁  
可畏也何其謬哉又有里閭之人繩樞之子棲息不過于蓬蒿咀  
嚼不越于糟糠無財可不忿爭乃復尺布斗粟不能相容睚眦舊  
介側目切齒遂使最爾箕帚蠢爾孩童蕤菲其章成是貝錦于是  
乎分裂蝸角稱競鴻毛骨肉爲行路之人兄弟無陟岡之望痛矣

悲矣何必情矣宮之奇唇亡之歎深可撫心王叔治斷臂之言足  
爲流涕其知也如此其謬也如彼遠乎得失豈可同年而語哉是  
知禍福無門唯人所召靜言成敗則可得而論何則存亡之道若  
行邁之有途得之者安于廟堂失之者顛沛斯及至如三叔狼顧  
七國難連貔虎搏噬江山表裏當其時也滄波可汲而斷泰山可  
蹋而覆朱旗尙卷蒼兕未馳不得高壘之謀勿俟銜枚之陣固曰  
冰判瓦解魚潰鳥驚身膏草莽名彰史策經過者爲之迴車言談  
者爲之洗耳斯豈時不利而兵不動者哉固曰天地所不容人神  
所同惡者也斯乃在和不在眾在德不在強商周之不敵亦所聞  
也假使驅長狄駕遺風宋萬附輿慶忌參乘勅弓飲石長劒挂頭  
疑作冠雞佩玃拖象拉兕然而使之超九折跨三危浮呂梁赴滄  
海五尺童子知其必亡何則道之非也苟令心腹無瑕昆季輯穆  
雖使要離策杖不占緩步固流九遠容可危乎近者劉荊州之意

氣衰渤海之縱橫、當其吐納荆揚、鞭笞河朔、猛將厲于鵬鷃、謀臣  
盛于雲雨、從容嘯咤、有席卷八荒之心、固曰震懼人靈、熏灼宇宙  
者、旣而良圖未就、壯志先秋、瘡痍實生、蕭牆糜潰、天道與人共往  
生人與草木俱萎、雖睦于曹公、尙無盱眙之暇、安得馬上而舞哉  
斯有惑之甚也、豈如稷契昇朝、同心同德、魯衛爲政、雖休勿休、得  
使康哉良哉、洋洋盈耳、卜世卜年之祚、悠悠無極、是知管蔡之玉  
食、不如夷齊之口口、君顏之萬、不如延陵之退耕、詩不云乎、彼令  
兄弟、綽有餘裕、不令兄弟、交相爲瘡、善哉言也、吾無間然、今吾子  
曰同穴者、重之于天倫、異居者、成之于行路、是見詩人之糟粕、未  
觀宮牆之室家、固未可與適道也、若曰骨肉遠而爲疏、卽手足無  
心腹之用、判合近而爲重、卽衣裳爲血屬之親、若衣裳附體而可  
離、手足遠身而可絕、斯則室家之不侔于兄弟、固亦明矣、況作者  
之意有異是乎、夫異家者、所曰避私、同穴者、示曰不返、故傳曰、昆



季一體。又兄弟之道無分。然而有分者。何謂異居同財者。若委支體于口路。阻天倫于胡越。固非其所謂願聞也。且余聞士龍少遭憫凶。攀風樹而興歎。懷仁義。目罔極。零丁齟齬。變忌霜口。契闊九夷。更相爲命。常恐黃耳蕭條。白駒超忽。洞口葉零。巖花落。無時雖復飲啄相依。光華未著。跼天躋地。每深慚德。友于兄弟。何日忘之。將謂吾子有已成教。而反問我。比目流俗。祇足已攪其心。慮非所望于吾賢也。于是客赧然而起曰。僕固小人。無聞至道。雖生堯舜之代。未登孔丘之堂。苟有曾而無心。遂逐情而忘性。言排名義之外。身陷泥塗之下。今子大夫幸而見覩。博我日友弟。弘我日禮經。洋洋乎。理出天人之表。恢恢焉。道周仁義之鄉。而今而後。謹聞命矣。是知安社稷。御邦家。調陰陽。化風俗。播清猷于緇素。垂令範于黎甿。橫之于天地而自安。處之于生死而無慮者。其惟兄弟乎。

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷二十七終

全隋文卷二十八

烏程嚴可均校輯

王孝藉

藉字□□□□人開皇中召入祕書□□□卒于家

上牛弘書

竊以毒螫蝥膚則申旦不寐飢寒切體亦卒歲無聊何則痛苦難  
言安貧窮易爲感況懷抱之內冰火鑠脂膏腠理之間風霜侵骨  
髓安可齟舌緘唇吞聲飲氣惡呻吟之響忍酸辛之酷哉伏惟明  
尚書動哀矜之色開寬裕之懷咳唾足言活枯鱗吹噓可用飛窮  
羽芬椒蘭之氣暖布帛之詞許小人之請開大君之聽雖復山川  
綿遠鬼神在茲信而有徵言無不履猶恐拯溺遲于援手救經緩  
于扶足待越人之舟楫求魯匠之雲梯則必懸于槁樹之枝沒于  
深淵之底矣夫言一介貧人七年直省課稅不免慶賞不沾賣貢

禹之田、供釋之之費、有弱子之累、乏強兄之產、加曰老母在堂、光陰遲暮、寒暑違闕、關山超遠、齟齬爲期、前途逾邈、倚閭之望、朝夕已勤、謝相如之病、無官可已、免發梅福之狂、非仙所能避、愁疾甚乎厲鬼、人生異乎金石、營魂且散、恐箠予無徵、齎恨入冥、則虛緣恩顧、此乃王稽所已致言、應侯爲之不樂也、潛鬢髮之內、居眉睫之間、子野未曾聞、離朱所不見、沈淪東觀、畱滯南史、終無薦引、永同埋殯、三世不移、雖由寂寞、十年不調、實乏知己、夫不世出者、聖明之君也、不萬一者、誠賢之臣也、已夫不世出而逢不萬一、此小人所已爲、明尚書幸也、坐人物之源、運銓衡之柄、反披狐白、不好緇衣、此小人爲明尚書不取也、昔荆玉未剖、荆卞和之足、百里未用、碎禽息之首、居得言之地、有用能之資、增日月之明、無手足之戚、憚而弗爲、孰知其解、夫官或不稱其能、士或未申其屈、一夫竊議、語流天下、勞不見聞、安能無望、儻病未及死、往還克念、時

作窮愁之簡、屬離憂之詞、託志于前脩、通心于來哲、使千載之下、哀其不遇、追咎執事、有點清塵、則不肖之軀、死生爲累、小人之罪、方且未刊、願少加憐愍、留心無忽、隋書王孝藉傳北史王孝藉傳文苑英華六百九十一

楊孝政

孝政、開皇中爲文林郎

上書諫廢皇太子

皇太子爲小人所誤、宜加訓誨、不宜廢黜、隋書房陵王勇傳

向居士

居士、失其名、北齊天保初、師事二祖慧可、開皇中、堯城宰加召

非法死

致書通好、釋慧可

影由形起、響逐聲來、弄影勞形、不識形爲影本、高僧傳作不揚聲知形之是影止響、不識聲是響根、除煩惱而趣傳作涅槃、傳有喻去形而覺影

離眾生而求佛、喻默聲而尋響、故迷悟一途、愚智非別、無名作名、因其名則是非生矣、無理作理、因其理則諍論起矣、幻化非真、誰

傳作

是誰非、虛妄無實、何空何有、將知得無所得、失無所失、未及造談

謝聊申此意、伏望

傳作

答之

傳作

陳子秀

子秀、荊州人

荊州道俗請智顗講法華經疏

導因寺東巖菩薩戒弟子陳子秀等稽首和南、竊以法門不二、理絕言忘、應病隨機、假名相說、雖復常居寂滅、而廣示威儀、不起道場、躬昇自在、義談廣狹、迹現淺深、普是有識、津梁含生、舟楫論其汲引、莫不方便、爲先語其提攜、無非譬諭、爲本宅中童孺、識三車而競出、備貨窮子、知糞穢之可除、仰惟禪師居不測之位、懷普洽之心、道貫三空、智階百法、輒欲奉屈、宣揚法華一部、展禽邵伯、術

小功微、尙復布政棠陰、宣風柳下、況復親承三點、高修六度、必願  
俯就傾誠、留心鑽仰、漢皇白水、猶呂大風、桑井可嘉、無容默已、庶  
令貴賤上下、咸識一乘、大葉小枝、等蒙慈潤、幸使高原盤井、速見  
洪泉、醉臥昏迷、還知昔寶、軌述眾情、罔知陳具、謹請開皇十三載  
八月十日、釋藏起四國  
清百錄四

費長房

長房、成都人、開皇中爲翻經學士、

上開皇三寶錄表

臣房言、臣間有功于國、史錄其勲、有功于民、碑傳其德、況如來大  
聖、化洽無窮、而不垂美百王、流芳千載者也、臣竊尋覽自漢魏來、  
代有翻譯、而錄目星散、經多失源、世罕綴修、時致闕絕、緣此佛已  
正法、付囑國王、是知教興、寄在人主、伏惟陛下、應運秉圖、受如來  
記、紹輪王業、統閻浮提、愍世開昏、開慧日照、廣緝經像、大啟伽藍、

開解脫之門、導天人之路、建善舟楫、濟拔蒼生、斯實曠古軼代盛儀、豈臣庸微、輒敢妄述、但昔毀廢、臣在染衣、今日興隆、還參法侶、時事所接、頗預見聞、因綱歷世佛法緣起、始自姬周莊王甲午佛誕西域、後漢明皇永平丁卯、經度東歲、迄今開皇太歲丁巳、歷一千二百八十一載、其開靈瑞、帝主名僧、代別顯彰、名開皇三寶錄、凡十五卷、庶法無隱、冀經有弘、不任下情、惶悚戰懼、輕冒奉表、上錄、召聞、伏願天慈、垂神降省、謹言、開皇十七年十二月二十三日、大興善寺翻經學士臣費長房上、釋藏云五歷代三寶記十五

開皇三寶錄總目序

竊惟三寶所資、四生咸潤、而世有興毀、致人自昇沈、興則福業恆感、天堂輪王、人主毀則罪報常受、地獄餓鬼、畜生論益、物溪無過于法、何者、法是佛母、佛從法生、三世如來、皆供養法、故勝天王般若經云、若供養法、卽供養佛、是知法教律流、乃傳萬代、佛僧開導、



止利一時故賢初之興千佛同其化修短之壽四聖異其年雖復  
住世延促有殊取其宣揚弘法無別莫不煎熬愛海濟含識已趣  
涅槃繫繫慢山度蒼生已會般若然般若玄寂非因聲難已通聲  
必託形不藉相無由顯所目境稱忍和總百億之須彌世號娑婆  
統三千之國土區分三界五濁之穢土沙形別六道二乘之鄙羊  
鹿大聖慈愍俯降迦毗丈六金容應王宮之裏三十二相炳太子  
之身十九出家三十成道四十九載處在世間假目言音方便演  
暢無染之法金口自宣一音敷揚萬類各解機緣匪一教有塵沙  
阿難總持滴無遺失譬別器水瀉之異瓶雙樹入般涅槃迦葉王  
城結集一千羅漢迭纂迭書著之葉皮布乎天竺五百中國各共  
奉持十六大王皆同擁護後漢之始方居脂那帝世交參十有六  
代翻彼域語作此方言相承迄今五百餘祀古舊二錄條目殘亡  
士行道安創維其缺爾來間有祖述不同各紀一方互存所見三

隅致隔故多失疑。又齊周陳竝皆翻譯弗刊錄目。靡所遵承。兼值  
毀焚。絕無依據。賴我皇帝維地柱。天澄靜二儀。廓清六合。庭來萬  
國。化攝九州。異出遺文。莫不皆萃。臣幸有遇。屬此休時。忝預譯經。  
稟受佛語。執筆暇隙。寢食敢忘。十餘年來。詢訪耆老。搜討方獲。雖  
粗緝綴。猶慮未周。廣博尋求。敬俟來俊。今所撰集略準三書。已爲  
指南。顯茲三寶。佛生年瑞。依周夜明經度時祥。承漢省夢僧之元  
始。城塹棟梁毗贊光輝。崇于慧皎。其外旁采隱居。歷年國誌典墳。  
僧祐集記。諸史傳等。僅數十家。摘彼翠輶。成斯紀嗣。扇之千載。風  
于百王。共秉智炬之光。照時昏暗。同傳法流之潤。洽世焦枯。闡我  
皇猷。導開厥始。昔結集之首。竝指在其國城。今宣譯之功。理須各  
宗時代。故此錄體率舉號稱。爲漢魏吳及大隋錄也。失譯疑僞。依  
舊注之人。已年爲先。經隨大而次。有重列者。猶約世分。總其華梵。  
黑白道俗。合有一百九十七人。都所出經律戒論傳二千一百四

十六部六千二百三十五卷位而分之爲十五軸一卷總目兩卷入藏三卷帝年九卷代錄代錄編鑒經翻譯之少多帝年張知佛在世之遐邇入藏別識教大小之淺深昔姬潛之鼎出現彰漢室之將隆近周毀之法重興顯大隋之永泰佛日再照起自大興之初經論冥歸發乎開皇之始事扶理契合此會昌述紀所由因斯而作所引外題稱曰開皇三寶錄云其卷內甄爲歷代紀上同

劉憑

憑涇陽人開皇中爲翻經學士

內外有通比較數法序

世之道藝有淺有深人之稟學有疏有密故尋常之用也則兼該大術其不思也則致惑三隅然東夏數法自有三等之差西天所陳何無異端之例然則先譯諸經並曰大千稱爲百億言一由旬爲四十里依諸算計悉不相符竊疑翻傳之日彼此異音指擗之

際于斯取失故錄眾經算數之法與東夏相參十十變之苟通對  
衍庶擬翻譯之次執而辯惑既參隸經誥故卽而敘之

釋藏錄二  
又云二

趙絢

絢爲冀州部從事

圓土北重牆上摩訶般若經序

有清信大士具官身嬰俗累恕崇法理精感明靈神化斯應遂使  
羣經騰翥等扶搖之上昇隻卷飄返若丹鳥之下降其去也明惡  
世之不屈其來也知善人之可集應瑞乎如彼聖著乎如此我皇  
出震乘乾更張琴瑟親臨九服躬總八荒知三寶之可崇體四生  
之不固遂頒海內修淨伽藍是使像法氤氲同諸舍衛僧居隱軫  
還類提河特曰此經像明靈著自非積善焉能致斯敢事旌表傳  
芳後葉

續高僧傳三  
十一靜謐

周彪

彪開皇末爲儀同三司

陳伏波將軍驃騎府諮議參軍陳詡墓誌

君諱詡字孟和潁川許昌人也浚基浚序有虞之苗口若夫姚墟  
誕聖媿納降神四門穆穆八表光禪商均不嗣周晉胡公封建于  
陳因口命氏鴻臚元方榮書魏冊徵士季方高著先賢自下蟬聯  
竝盤繡言史祖僧亮神情淡遠素風高奇齊輔國府行佐父敷風  
儀峻整雅有網格歷至前梁儀同君幼而聰敏長而好學博覽百  
家漁獵九部懸梁刺股手不釋書天才雋拔思若有神文章口口  
動成部帙景純五色之筆江淹用之麗藻王充五行俱下都市稱  
爲口口有集廿卷爲世所重起家爲岳陽王雍州西曹轉府記室  
梁國蕃周將佐送款武成元年授帥都督衛州東征王師失律軍  
潰陷陳同旅督將七十二人竝囚俘檻屬陳相王曇瑱初秉朝政  
虐示國威縱情好煞于望國門竝害諸士君子于刑所附啟自陳蒙

荅貫死漏刃獲生俄而釋禁策名預宦授招遠將軍加伏波將軍  
俄遷驃騎府諮議口國云亡總管秦王招賢慕士迎還并州客禮  
厚遇辭老還鄉第二息孝竊昆季男女久違膝下忽奉慈顏悲喜  
不勝如從天落相率盡養日膳常珍則儀狄九醞何曾百品恣口  
釋心意恬如也同畢卓之酣歌慕阮孚之任放達無遣有識假歸  
真所製終制非秦始之高墳是王孫之羸葬乃遺命送終唯令儉  
薄不許立銘開皇廿年九月廿四日卒于檀溪里時年七十六五  
男五女男則孝悌著聞居喪過禮女則柔和顯稱婉婉聽從日其  
口口十二月丙辰朔十八日癸酉歸葬高陽鄉之舊山式鐫序誌  
用傳不朽

古刻  
叢鈔

皇甫昆

昆仁壽中爲當陽令

玉泉寺碑

蓋聞乾元資始，三辰著象于天，坤道資生，萬物動行于地。皇王于是建國，聖賢所已垂文，起名敎而莫同，制威儀而有別。至如畫卦觀爻，蓋取隨時之象；綜經緯緯，會通爲政之辭。大禮同和，大樂同節。安上治民，移風易俗，斯邇生前之事，略矣可言。死後之問，仲尼弗語。縱使絳雪縈空，玄霜拂樹，餌金丹而九轉，吞玉髓而千年，乘雲也駕五色之玄龍，遊漢焉控三山之素鶴，逍遙瑤臺之上，容與琳闕之間，未窺解脫之門，終趣蓋纏之境。唯正覺淵沖，真如妙有，不生不滅，無相無言，隨緣應質，則假色成形，隨類觀音，則因聲示說。故有白銀千尺之體，紫金丈六之身，八部般若之文，四種悉檀之義，神通自在，慧力無窮，因導化行，開示悟入，皈依者盡發菩提，迴向焉普登常樂。是已彌猴建塔，遂生忉利之天；野雁銜華，復往彌陀之國。豈直日藏沙門，孤遊正道，月光童子，獨見如來，四生因茲度脫，六道藉此昭蘇。實火宅之高車，昏河之大筏，若乃周室昭

王之世影奪恆星漢朝明帝之時光夢如日使旋西域化漸東都  
置像南宮中心北面自摩騰入洛羅什遊秦名教更弘道風斯熾  
經臺像閣寶塔香山麗溢巖阿綺盈都邑豈期後魏眞君之歲後  
周建德之年靈廟一除伽藍再滅形容廢毀文字散遺響落瓊鐘  
聲沈寶鐸修禪耆舊卷其舌而不談護戒先賢改其形而晦影世  
絕調心之路時虧汲引之途無出世之津梁失生民之大望我隋  
皇帝乘乾御宇握鏡披圖父愛蒼生君臨赤子天地同其大德日  
月合其重光鼓之曰雷霆潤之以風雨除暴亂致太平張四維朝  
萬國功成作樂治定制禮正道無爲區寰有截闢泥洹之路開般  
若之門宣十二分之經流四千年之法精勤耆舊捨俗歸僧淨住  
初童持心秉戒非直法輪再轉法鼓還鳴四海于是無虞兆民因  
而有賴委羽乘毛之國慕風化已來庭靈禽嘉貺之祥應圖書而  
萃苑巍巍也非境智之思量蕩蕩乎豈言談而能盡玉泉寺者基



此山焉智顗禪師之上居也。敕旨正名，著額其山，崑崙蹇拔，崎嶇  
崩疑，峰疑偃蓋，巒似覆船，巨力窮奇之象，洪崖譎詭之形，岡曲抱  
而成垣，水縈迴而結乳，青楓動葉，遠照金霞，翠柳搖枝，低臨玉沼，  
猿吟白雲之上，鸛啼碧樹之間，日月爲之蔽虧，膏液由之散聚，前  
瞻江路，卻望荆岑，左帶昭丘，右通巴峽，禪師本姓陳氏，潁川人也。  
少稟生知，童真剃落，從師南嶽，蘊道天台，睿智洪才之響，非直播  
于江南，知機妙辨之聲，固已聞于河朔，皇帝外子太尉公晉王，性  
稟孝慈，情包隱惻，能臣能子，匡國匡家，蘊機神之智，垂汎愛之心，  
布君子之心，偃生民之草，往召僞陳納叛，受律行師，策妙指縱，威  
稜江海，遂剋定金陵，化平銅柱，三吳霧卷，百粵塵清，師乃因王利  
涉，王遂因師受戒，師至此而投院，王奏聞而起寺，于是異域才情  
之客，慕其道而雲臻，他鄉鍊行之僧，味其風而雨集，師乃精言導  
理，盡意談玄，語證禪支，心開定本，幽宗博義，若挹海而無窮，辨句

清辭似懸河而自瀉居朋之友雖盈量而爭歸處少之徒從窮崖而莫反爾乃信心擅越積善通人咸施一材俱投一瓦憑茲眾力事若神功營之不日而成飾矣經時而就層臺迴閣複殿連房寒暑異形陰陽殊制雕簷繡栱與危岫而爭高鑿礎鐫基共磐巖而等固風光出其戶牖雲霧生其棟梁華炫耀于金盤氣芬芳于玉樹工圖相好湛若金仙匠寫真容凝如滿月殿起三層之柱簷懸自響之鐘堂開千葉之華蓮捧飛來之座燈光不滅灌海逾明剎柱俱低承幡自舉吉祥柔滑之草爛熳依庭逆風和氣之香氛氤滿院斜通洞穴直注凝泉色似琉璃味同甘露波投鼉鼎浪瀉陸堂飲腹消河澆軀愈疾石柱銅梁之狀影入蓮池桃源菊浦之華香浮柰苑可謂山類耆閭寺同離越似龍宮而出見疑鹿野自飛來竊已前王鑿鼎惟論體國之功今共刊碑永記菩提之道余任宰屬城寺居山部文雖寫意書不盡言其詞曰

二儀開廓四氣氤氲方曰類聚物曰羣分通賢通聖明后明君隨  
機設教觀化垂文樂章既造禮儀方制定彼親疏決茲疑滯披圖  
辨物屬辭明例唯化一生不論三世玄都玉簡紫闕銀經解尸遺  
骨飲液吞精乘龍萬紀控鶴千齡終非實相猶是塵情唯有大雄  
湛然常住不生不滅無來無去千門妙旨一音演論度脫眾生涅槃  
雙樹夢通劉后感應姬王恆星掩耀滿月澄光寫形東國指聖  
西方慈悲願海善逝津梁法顯還晉摩騰入洛花散經臺香流像  
閣釋教鬱起桑門盛作露泣珠幡風吟寶鐸真君建德運鍾滅道  
淪沒四生毀除三寶我皇啟聖德侔蒼昊妙法更弘真儀再造陳  
氏僭號王赫斯征句吳霧卷閩越廓清因逢智者延謁山庭珠生  
浮漢玉出漢荆華峯崑屹石洞淵懸芬芳菰浦滴瀝瓊泉盤渦似  
谷覆嶺疑船來儀晏坐觸地蕭然妙辨悉檀深窮般若細素雲會  
揭其河瀉或施之材或投之瓦經始不日翻成大厦更起龍宮還

開鹿野山連紫蓋江抱黃牛西臨月峽東接昭丘旃檀園繞琳碧  
環周春窗夏牖水殿山樓座吐芙蓉龕懸石鏡白毫相好紺髮輝  
映銀鷺徘徊錦鱗游泳騰猴心靜怖鴿影定倚歟哲王命也蕃屏  
自天生德孝誠俱秉旦奭非傳聞平詎并出總連轡入調鐘鼎構  
此伽藍寶資力請魔殿巉巖須彌鬱律倏覩刼終俄看燒訖豈如  
彼岸生死皆出金石不朽天地可畢鐫勒巖阿永垂懋實釋藏起  
字四號  
國情百錄四又湖北  
通志載此碑多缺誤

鄭辨志

辨志爵里未詳

宣州稽亭山妙顯寺碑銘

伏聞惠日已圓西方顯其尊相恆星既隕東界感其神光身迹雖  
殊慈悲靡隔逮乎紫金寫蓮開之貌香林圖月滿之容夢感漢王  
之心齊發吳君之善權實濟度莫狀于斯雖復犧農之世分爰嘗

藥之功軒昊之年結宇垂裳之德化腥變苦詎曉法味之淡棄穴  
除巢窠知淨土之貴者閭山側說法之處猶存菴蘿園中會聖之  
基尚在深矣妙乎無得而名焉大法之興其由尚矣然此妙顯寺  
者卽隋開皇十一年高祖文皇帝奉爲國師之所置也禪師諱智  
政俗姓范氏扶風人也祖世晉主夏盟功高士會漢臣莅宰名重  
萊蕪師少爲儒生博尋內典名掛僧錄先住京師濟福道場因神  
武滅法遂遊于江左權上戴山南朝陳元帝二年召爲內道場供  
養禪師見國祚不安遂拂衣南遊稽嶺其山乃眾峯雜遡邃谷崢  
嶸洞穴朦朧樛蘿貫日百獸羣集民絕登臨大師居之猛獸藏伏  
開皇九年十月敕遣晉王廣平陳卽禪明三年也禪師迹紹四衣  
神逾八極雖潛形邱壑而警徹神都匿相巖阿而名傳上國若珠  
沈北海皎潔之性彌彰桂隱深叢芬芳之風更遠高祖聞之開皇  
十年召入仁壽院殿供養十一年秋八月帝降墨敕遣大將軍楊

榮送師歸山所居處可立伽藍度弟子七人扶持賜錢五千貫絹  
二千疋充乳藥又賜落脂米二百斛一切經大藏玉石象一十五  
頭鵲尾香爐四十九隻永充供養至十二年敕榮爲宣州刺史專  
監造寺曰妙顯爲名謂瓏垂寶乳卉葉難名異獸靈禽晨翔暮顯  
故名妙顯也親書題額敕賜水田二頃五十畝將充永業寺側近  
封五十戶民曰充泗埭帝每歲起居送種種香藥供養至仁壽元  
年秋八月告弟子曰吾欲去矣恬然坐滅春秋八十有六于時山  
地震動林木萎悴百獸悲鳴泉池枯涸敕遣有司召國師禮殯于  
此山之陽去寺一百步墳塔存焉案宣城記云縣南東六十里有  
山曰稽亭是古仙住處嘗有仙人五百來往遊止商旅住步稽遲  
忘返故云稽亭也皇帝俯膺金輪拯提億兆八方大定十善遐弘  
拱默巖廊咸從仁壽而宣條布政寄乎良牧使君諱榮金州安吉  
人也本姓陽氏系承幽州陽平公之後因王莽篡位南徙魏興公

呂開皇七年蒙召入內、勞問功業、詔賜姓楊氏、昔人乘車改俗、吹  
律移化、未有胄襲皇源、名歸帝譜、預珽磐石、斯恩罕倫、弘農之美  
洋乎史籍、楊秉臨于袞郡、三域顯其廉貞之聲、羊祜鎮于荆藩、一  
方稱其太平之化、呂公清白愛惠、還迹曩業、威略有道、別邁前修、  
何止澤漸貧孤、恩沾老幼而已、長史崔公諱士昇、淄水人也、位隆  
上佐、任重元僚、共聞和風、譖揚回向、罄懷勸道、毗我皈依、其寺東  
南有石洞、幽隱玲瓏、仰眺或漏曦光、俯窺乍揖清澗、故老傳述、所  
進尤深、遠徹秦峯、湘水之流、近通禹井、巴山之穴、隴首夾鑿、金剛  
獅子、已爲侍衛、揮拳揚目、可怖眾魔、奮爪張牙、足驚羣象、其內別  
有石龕、卽大師舊安禪之所也、後則經臺、砌漢寶塔、淩烟堦墀、任  
石勢、已高低、欄棟接山形、而宛轉兼復、飛流繞殿、激水循房、散入  
中廚、分澆南畝、實棲心之勝境、悟道之良域者矣、公褰幃八稔、撫  
育四民、風雨調和、農桑鬱暢、蒼黎荷施、無咎天慈、遂將帥參寮、及

諸令佐等。已今二十年。歲次浹灘。月維南呂。創成洪業。莊嚴帝祚。彫奇宏麗。難悉名言。福地長存。略刊梗概。敢爲銘曰。

大哉佛日。實我舟航。慈悲普濟。度脫無疆。深仁睿后。壽命玄蒼。功超造化。德被遐荒。粵我國師。德高窮昊。身居帝里。心悲六道。保安社稷。示同魔惱。三國鼎治。長宣清寶。帝王再召。詔璽無忒。幢車曳路。瓊花滿祇。親侍凡筵。諮受遺則。度人表志。置寺旌德。洪矣州牧。簡在惟良。嚴裝美俗。蔽芾甘棠。聖主弘護。賢臣棟梁。伽藍肇立。輪奐燁煌。石洞幽邃。邇源遠長。俯受泉脈。仰漏曦光。夾圖獅子。對寫金剛。勢驚狂象。威振魔王。瑤臺聳路。重閣迴廊。檐虬欲起。表鳳凝翔。激水環砌。飛流繞房。殿朗宵月。鐘鳴樹霜。白心雲萃。芳郁爲香。依松結宇。憩石爲牀。已斯上善。永福人皇。山崩幽壤。海涸生桑。儼然靈岫。劫數傳芳。

宣城總集

嚴德盛



德盛大業中爲吳郡司戶

吳郡橫山頂舍利靈塔銘

竊已至理無言、非言無已、寄理玄蹤無體、非體無已、明蹤然則八十種好、呈應身之妙、三十二相、表化質之妍、至如獻土童兒、聚沙稚子、尙獲無窮之報、猶成莫盡之因、況撒身命重財崇、諸聖業者矣、但樹因之最、無過起塔、崇福之重、詎甚建幢、而銀青光祿大夫吳郡太守李顯者、乃華陽杞梓、江漢芳蘭、夙布素誠、少匡王國、吐納風雷之際、出處朱紫之庭、縻爵峻于其身、隆基茂于往葉、溫良洽于郡國、孝友睦于閨內、建節贊治、張振風化、門雖望族、世載公卿、安仁樂智之心、無違終食、謙明惠厚之德、造次必存、仍共獎勸、郡部官人、奉爲皇帝皇后齊王六宮眷屬、各捨七珍、同崇八福、在郡城之西山頂上、營造七層之寶塔、已九舍利置其中、金瓶外重石槲、周護畱諸弗朽、遇劫火而不燒、守諸不移、漂劫水而不易、時

有龍華道場比丘法首者歲居齠齕卽起踰城之心年將志學仍持航海之操自離親捨俗三十許年洞識苦空明開法要誠心內發冥夢外酬時聞此山爲古之佛殿乃共于此所成斯勝業願寶鐸常搖法輪恆轉含生迴向口口歸心上通有頂之天傍及無邊之地同離生死之苦俱成涅槃之樂其辭曰

相焉是滅法矣非生蓋纏虛萃渴愛徒盈不無不有何體何名業風旣息法水便清目茲勝地令德來持功施合矩化動成規如雲出岫狀月臨池清流不倦貽銘無疚虔心局體同歸共慕施彼七珍崇斯六度下被羣品上資天祚萬福莊嚴千靈補護少宣令問彼秀苗藪輪轉三有馳流六通獨善非德兼濟爲功俱成法雨用息塵籠大隋大業四年歲次戊辰九月辛未朔八日戊寅立銘吳郡司戶嚴德盛製文司倉魏瑗書

范成大吳郡志

耿詢

詢字敦信丹楊人大業初爲右尚方署監事守太史丞

上書諫征遼東

遼東不可討師必無功

隋書  
耿詢傳

雲定興

定興太子勇雲昭訓之父勇廢除名配少府大業中召宇文述薦擢授少府丞尋代何稠爲少監轉衛尉少卿遷左禦衛將軍進左屯衛大將軍

奏對皇孫生

天生龍種所召因雲而出

隋書  
文四子傳

仲孝俊

孝俊濟州人爲汝南郡主簿舉秀才除晉州司法

陳叔毅修孔子廟碑

若夫惟道惟德或仁或義既漸散于英華遂崩淪于禮樂天生太

聖是曰宣尼。雖有制作之才。而無帝王之位。膺斯命世。塞厄補空。述萬代之典謨。爲百王之師表。始于漢魏。爰逮周齊。歷代追封。秉主不絕。我大隋炎靈啟運。翼下降生。繼大庭之高蹤。紹唐帝之遐統。憲章古昔。禮樂惟新。偃伯修文。尊儒重學。曰孔子三十二世孫前太子舍人吳郡主簿嗣哲。封紹聖侯。皇上萬機在慮。兆庶貽憂。妙簡才能。委之邑宰。于此周公餘化。唯待一變之期。夫子遺風。自爲百王之則。禮儀舊俗。餘何足云。用能奉天旨。敬先師。勸孔宗。修靈廟。卽曲阜陳明府其人也。明府名叔毅。字子嚴。潁川許昌人。昔堯之禪舜。實釐女于有虞。周室封陳。亦配姬于媯滿。漢右丞相建六奇之深謀。魏大司空開九品之清議。明府卽陳氏高祖武帝之孫。高宗孝宣帝之子。至如永嘉分國。代歷五朝。郭璞有言。年終三百。皇朝大統。天下一家。爲咸陽之布衣。實南國之王子。于是遊情庭宇。削跡市朝。砥礪身心。揣摩道藝。策府蘭臺之祕籍。雕蟲刻鶴。

之文章莫不成誦在心、借書于手、金作玉條之刑法、桐囚木吏之  
奸情、一見仍知、片言能折、所謂江珠匿曜、時虧淵月之明、越劔潛  
光、每動銜星之氣、爰降詔書、迺除曲阜縣令、風威遠至、禮教大行、  
政術始臨、奸豪屏息、抑強扶弱、分富恤貧、部內清和、民無疾苦、重  
呂德之所感、霜雪無災、化之所行、馬牛不繫、鰓魚夜放、早彰滌釜  
之篇、乳雉朝馴、自入鳴琴之曲、遠嗤龐統、不任百里之才、俯咲陶  
潛、忽輕五斗之俸、于是官曹無事、囹圄常空、接士迎賓、登臨遊賞、  
觀泮水而思歌、尋靈光而想賦、加呂祇虔聖道、敬致明神、粉壁椒  
塗、丹楹刻桷、可謂神之所至、無所不爲、振百代之嘉聲、作千城之  
稱首、敬鐫金石之文、永同天地之固、其詞曰、

皇非常道、帝實無爲、時澆俗薄、樸散淳離、世道交喪、仁義爭馳、書  
亡詩逸、禮壞樂虧、降生大聖、載修墳史、積善餘德、追崇不已、於穆  
大隋、明命天子、新開紹聖、重光闕里、伊我陳君、清德遠聞、溫溫玉

潤、苾苾蘭芬、淵才亮美、拔類超羣、時逢上聖、已我爲令、導之已德、行之已政、用此一心、能和百姓、子還名賈、兒多字鄭、奸雄竄伏、賦役平均、心居儉素、志守清貧、魚生入釜、雀瑞來臻、廊廟孔碩、靈祠赫奕、圓淵方井、綺窗畫壁、因頌成功、遂歌美績、共做穹壤、永固金石、大隋大業七年辛未歲七月甲申朔二日乙酉濟州秀才前汝南郡主簿仲孝俊作文孔子卅一世孫孔長名卅四世孫孔子歎

□□□

碑本

格謙

謙勃海脈次人大業中據豆子甌反有眾十餘萬爲楊義臣所禽敕令放散尋復反王世充破斬之

奏事

若德饒來者卽相率歸首

北史三十三李德饒傳

實官

王義

義道州人。大業四年，召矮民充貢。自宮得出入內寢，帝幸江都，天下多叛，上書極言，自刎死。

上煬帝書陳成敗

臣本南楚卑薄之地，逢聖明爲治之時，不愛此身，願從入貢。臣本侏儒性尤蒙滯，出入左右，積存歲華，濃被聖私，皆踰素望。侍從乘輿，周旋臺閣，臣雖至鄙，酷好窮經，頗知善惡之本源，少識興亡之所由，還往民間，周知利害，淡蒙顧問，方敢敷陳。自陛下嗣守元符，體臨大器，聖神獨斷，諫謀莫從，獨發睿謀，不容人獻。大興西苑，兩至遼東，龍舟踰于萬艘，宮闕徧于天下，兵甲常役百萬，士民窮乎山谷，征遼者百不存十，歿葬者十未有一，帑藏全虛，穀粟湧貴，乘輿竟往，行幸無時，兵人侍從，常踰萬人，遂令四方失望，天下爲墟。方今有家之材，存者可數，子弟死于兵役，老弱困于蓬蒿，兵屍如

獄餓孳盈剝狗彘厭人之肉、鳶魚食人之餘、臭聞千里、骨積高原、膏血草野、狐犬盡肥、陰風無人之墟、鬼哭寒草之下、目斷平野、千里無煙、萬民剝落、莫保朝昏、父遺幼子、妻號故夫、孤苦何多、饑荒尤甚、亂離方始、生死孰知、人主愛人、一何如此、陛下恆性毅然、孰敢上諫、或有鯁言、又令賜死、臣下相顧、籍結自全、龍逢復生、安敢議奏、左右近臣、阿諛順旨、近合帝意、造作拒諫、皆出此途、乃逢富貴、陛下惡過、從何得聞、方今又敗遼師、再幸東土、社稷危于春雪、干戈逼于四方、生民已入塗炭、官吏猶未敢言、陛下自惟若何爲計、陛下欲幸永嘉、坐延歲月、神武威嚴、一何銷鑠、陛下欲興師、則兵吏不順、欲行幸、則侍衛莫從、敵當此時、如何自處、陛下雖欲發憤修德、特加愛民、聖慈雖切、救時天下不可復得、大勢已去、時不再來、巨廈之崩、一木不能支、洪河已決、剝壤不能救、臣本遠人、不知忌諱、事忽至此、安敢不言、臣今不死、後必死、其敢獻此書、延頸



待盡海山記

又奏

臣田野廢民作事皆不勝人生于遼曠絕遠之域幸因人貢得備後庭掃除之役陛下特加愛遇臣常自宮中侍陛下自茲出入臥內周旋宮室方今親信無如臣者臣由是竊覽書殿中簡編反覆玩味微有所得臣聞精氣爲人之聰明陛下當龍潛日先帝勤儉陛下鮮親聲色日近善人陛下精實于內神清于外故日夕無寢陛下自數年聲色無數盈滿後宮日夕游宴自非歲節大辰何常臨御前殿其餘多不受朝設或引見遠人非時慶賀亦日宴坐朝曾未移刻則聖躬起入後宮夫日有限之體而投無盡之慾臣固知其竭也臣聞古者野叟獨歌舞于磐石之上人詢之曰子何獨樂之多也叟曰吾有三樂子知之乎何也人生難遇太平世吾今不見兵革此一樂也人生難得支體完備吾身不殘疾此二樂也

人生難得壽吾今年八十矣此三樂也問者歎賞而去陛下享天下之富貴聖貌軒逸龍顏鳳姿而不自愛重其思慮固出于野叟之外臣葢爾微軀難圖報効罔知忌諱上逆天顏述樓記

列女

蘭陵公主

公主字阿五文帝第五女初嫁儀同王奉孝卒適柳述煬帝卽位述徙嶺表誓不改嫁憂憤而卒

臨終上煬帝表

昔共姜自誓著美前詩卽婦不言傳芳往誥妾雖負罪竊慕古人  
生旣不得從夫死乞葬于柳氏隋書蘭陵公主傳

譙國夫人沈氏

夫人高涼人梁大同初適高涼太守馮寶陳永定中冊爲中郎  
將石龍太夫人隋開皇中冊爲宋康郡夫人進譙國夫人開府

置長史召下官屬仁壽初卒諡曰誠敬夫人

先書報高州刺史李遷仕

通典作延仕

太守馮寶病篤護令妻沈氏傳啟并奉土貢召資軍費

通典一百五十四

索此事在梁太清末

賜進士出身二品銜廣東等處提刑按察使司按察使兼管驛傳事務山岡王毓藻校刊

全隋文卷二十八終

全隋文卷二十九

烏程嚴可均校輯

關名

奏案元諧

諧謀令祁緒勒黨項兵，卽斷巴蜀。時廣平王雄、左僕射高潁二人用事，諧欲諧去之。云：「左執法是軌，已四年矣。狀一奏，高潁必死。」又言：「太白犯月，光芒相照，主殺大臣。」楊雄必當之。諧嘗與潁同謁上，諧私謂潁曰：「我是主人殿上者，賊也。」因令潁望氣。潁曰：「彼雲似蹲狗走鹿，不如我輩有福。」德雲隋書元諧傳有人告諧與從父弟上其謀反上令案其事有司奏

奏劾盧愷

房恭懿者，尉遲迴之黨，不當仕進。威愷二人曲相薦達，累轉爲海州刺史。又吏部預選者甚多，愷不卽授官，皆注邑而遣。威之從父

弟徹肅二人並召鄉正徵詣吏部徹文狀後至而先任用肅左足  
攀蹇才用無算愷曰威故授朝請郎愷之朋黨事甚明白隋書盧  
與蘇威不平奏威陰事愷坐與  
相連上召愷屬吏憲同奏愷

秦王二子承嗣議

春秋之義母曰子貴子曰母貴貴既如此罪則可知故漢時栗姬  
有罪其子便廢郭后被廢其子斯黜大既然矣小亦宜同今秦王  
二子母皆罪廢不合承嗣隋書秦孝  
王俊傳

比丘惠遠等造象銘

上闕無黑變成紫室所願從心咸登妙果無不遂意又願見世後生  
男則貌如觀頂天然而知智慧孤秀任居上位亦世崇明玄風相  
踵超然之一女則行軀端嚴行性瀟潔內隆勝鬘眾人贊歎有能  
試知無爲曉悟苦空滅已削身共崇因果捨離惡業者並同斯善  
永無彰昇俱登正覺開皇三年歲次癸卯五月戊戌朔十五日壬

子邑師比丘法口邑師比丘惠遠

碑拓本

楊遵義造象銘

開皇三年十二月楊遵義爲息口熾造象一區上爲人王帝主下

爲七世父母及自己身同口斯願

碑拓本

王忻造象銘

口口孝者善繼人之志善述人之事亡人先發弘願今敬成之敢

陳勝業乃作銘云

玄宗靡極道法何源其終無末其始無先玄、絕學口、忘言虛

无萬古寂魄口千洪鍾應扣響振周年口口一字耳畫三門星珠

口口月桂猶口口車行空口駕飛仙道德經首希夷口容三易融

殿九井口蹤口祠曲里廟享濯龍全身口寫相好無窮勤心懃敬

口真慕聖奉資王矣口口益詠大隋開皇六年七月十五日前上

士州從事國子助教彭城縣開國男洞玄弟子王忻敬造

碑拓本

堅昭禮造像銘

開皇十一年歲次辛亥正月甲申朔十五日戊戌首民堅昭禮爲  
先亡七世父母身所生父母祖口口妻夏侯父阿順母果僧如叔

阿僕妻夏侯

碑拓本

杜乾緒等造像銘

大隋開皇十二年歲在壬子十二月壬申朔十日辛巳蓋欲崇高  
志遠者要須曠口口行是旨當今佛弟子大都邑主杜乾緒都邑  
主張子元大都化主董難當都化主杜郭生都邑等雖須形居俗  
网志棲方外口已口口龍山之南河水之西雉水之東吉祥口  
口敬造石像一軀層龕比刃巧盡百奇珍口口口遠而望之狀寶  
塔涌現於靈山近而口口口祇蘭之觀玉殿迴瞻注目歸心有在  
旨此勝善福閭皇家口法治國又願七世先靈見生眷屬類同沾  
澤同茲福慶刊記斯銘其詞曰



妙理難原旨趣莫尋凌口靡惻孰竿其溪然山間尤口口口霽金  
口既口徒泣雙林勇塔且淪祇蘭匿口口口光光銅人閉景聖宇  
暫空口口口口像曜不藏像月爲圓寶口口口口羅妙像珠鏤碧  
崖相啗眞口明眺高雲光埋月眼八万未踰眞容何爽瞻相吮吟  
福景唯深王潤條口芳澤來今恩沾四口慶不有心言傳千載不  
朽清音碑拓本

王女足等造像銘

開皇十六年歲在丙辰三月甲寅朔八日辛酉夫口口口寂眞體  
難逢法口口口口若旨艷覩木口口口口失國長避苦海是日機  
倫西殯大夜將至佛自侮口四口隱迹然今有諸邑子八十人等  
覺身危口不久多停至如水胞俄亦消滅譬若火光出石焉能口  
人口能人人人口已崇造阿彌陀像一區仰爲歷劫諸師七世父母  
及自己身召此功德願生生世世得常口身蓮華化生不受五蔭

之胎方口途口而口口常口芥城雖口我身猶在又願地獄休息  
餓鬼飽滿畜生解脫人天具足法盼崩口等滅已覺

碑拓本

青州舍利塔下銘

維大隋仁壽元年歲辛酉十月辛亥朔十五日乙丑皇帝普爲一  
切法界幽顯生靈謹于青州蓬山縣勝福寺奉安舍利敬造靈塔  
願太祖武元皇帝元明皇后皇帝皇后皇太子諸皇子孫等并內  
外羣官爰及庶民六道三塗人非人等生生世世值佛聞法永離  
苦空同升妙果

碑拓本 案金石文字記所載同州塔銘與此正同惟彼云同州武鄉縣大興寺八字爲異今不重錄

鄧州舍利塔下銘

大覺湛然照極空有慈愍庶類救護羣生雖靈真儀本同滅度而  
遺形散體尙興教迹皇帝歸依正法紹隆三寶思與率土共崇善  
業敬曰舍利分布諸州精誠懇切大聖垂祐爰在宮殿興居之所

舍利應現前後非一頂戴歡喜敬仰彌深己仁壽二年歲次壬戌四月戊申朔八日乙卯謹于鄧州大興國寺奉安舍利崇建神塔曰此功德願四方上下虛空法界一切含識幽顯生靈俱免蓋纏咸登妙果

碑拓本

江夏縣緣果道場七層磚塔下舍利銘

夫至理空沖尋求之源悠緬法身寂泊無方之應奄臻至如花疊未然駐影留髮香薪已燎散體分形故有寶塔珍龕羅鬼四圍之上雲興地踊照曜八國之中俾我聖迹未之湮墜緣果道場者梁天監十二年太歲癸巳長史劉端捨宅爲寺有命過僧歸閣梨盡心監造閣梨降自江口氏族未詳戒慧總持甚有靈驗于是鴻基勝趾締構日新三業薰脩七財具足曰今大隋大業九年昭暘之歲江夏縣緣果鄉長劉大懿等遵依敕旨共三鄉仕民奉口口齊興道場七層磚塔一所安鎮此地次有清信弟子黃慧龍

金強壯  
康作龔

慧俊、慧達等兄弟，並德口佳雅，難兄難弟，誓立五根，願弘四事，于所住宅。福瑞累彰，亡父于大業三年二月，乃于食內感舍利一枚，大小相歡，觀茲希有，安止水器，且浸且浮，旋繞久之，光明遍室，頂帶虔禮，日申供養。到七年正月，俊女雞娘，又感二枚，斯實迹現，難思抑聞。圖籍次有弟子李藥玉，信首宿馳，賢才簡正，雖室無瑞井，手闕金錢，每用放濟居心，傾捨爲業。已開皇廿年，行至常州境，感舍利一枚，到大業五年，于所住宅，又感二枚。昔者阿難奉函，如來讚其希有，康會瓶寫，吳主嗟其神異，詢諸經誥，今古同符。已今季夏六月八日，奉送散身，永窆基下，眾緣贊助，普設大齋，方俟七級巍巍，接霄房而颺采，九盤煜煜，曜寶鐸韻而流聲。上資帝朝，爰泊遐邇，邇設使芬，盡方城五分之身，常住石銷天袂，金剛之地，巖然敢忘議善，乃爲銘曰：

茫茫宇宙，悠悠世間，九地銜海，四口口山，三塗有獄，五道無關，魂

隨動泊、識口循還、至聖何像、疑爾悵怕、示現無方、迦維垂迹、等救  
燒燃、通悲幽溺、息眾權城、椎輪火宅、八十化盡、天人喪師、撫膺雨  
淚、香水口毗、四王典護、八國均持、機緣靡隔、靈祥俟時、坊墳式建、  
層表臨空、非因鬼力、詎假神工、金盤仰露、寶鐸搖風、山移川徙、微  
業興隆、古刻叢鈔又見  
金苑琳瑯八

張景略墓誌銘

君諱景略、燕州上谷人、漢司徒華之後也、帝皇布護、將相蟬聯、備  
諸圖史、其可伊述、祖驃騎大將軍第一、領民西長文城公、又遷燕  
州諸軍事、燕州刺史、考龍驤將軍、諫議大夫、奉車都尉、行濟安郡  
太守、金鄉侯、君質如披錦、文彩煥然、器若珪璋、光輝朗潤、于是弱  
齡表異、聲振朝野、欲止不能、遂被徵辟、起家爲魏帝內侍左右、尋  
遷祕書郎、優游鳳沼、去來麟閣、時稱獨步、實曰無雙、又加車騎大  
將軍、開皇十一年正月六日、冥不綱德、奄從運往、春秋六十有八、

呂其月二十六日遷窆于相州安陽河北白素曲末極丞相之年  
俄掩將軍之墓嗚呼哀哉乃爲銘曰

昔年慷慨拖紫垂青岷山漢水玉潤珠明何啻大運混我賢貞一  
辭身世百代千齡

碑拓本

石裏村造橋碑

大隋開皇六年歲次丙午二月壬午八月己丑兗州高平縣石裏  
村仲思那等卅人造橋之碑蓋形同石火忽有便無命似浮泡倏  
存還滅若不傾心捨命如薩埵之投骸劍已精誠沃尸毗之救鵠  
自非仰習二士之功苦海寧容可渡然今大邑主仲思那等卅人  
謹見村南分派成池滄水競流已起澍濤之浪阻隔長衢致使楊  
朱泣分岐之淚厭偽身形遂登高樓焚香放發獎化眾緣四部崇  
助謹于此處敬造石橋一濟之所急緩通傳永絕稽留之歎兩盈  
美麗婉婉可觀又採石荆山訪匠周隨福力自天名師忽至豈龍



服從風、洺州南和縣者、星曆冒昴、地連趙魏、水陸交會、人物殷阜、斜眺衡軫、金鳳凌波而曜色、卻瞻瀛碣、玉馬映雪、日騰光于斯時也、使持節儀同三司刺史辛公、曰明德上才、寰帷此境、公名懿、字士信、隴西狄道人、風神秀起、雄圖傑出、博覽書傳、總括技能、行成規矩、言爲楷則、是曰曳裾棘座、高步禮闈、市朝遷革、位望彌重、自建旗之部、威惠俱行、明開憲章、深練治體、推誠化下、竭心奉上、茲豪傑疊、黎庶來蘇、翊軍將軍司馬田威、焉翊廣陽人也、志業平允、操履廉白、舉目持綱、粥諧蕃政、野絕帶牛之暴、市息飲羊之欺、又有宣威將軍縣令馬君、曰美譽清風、製錦斯邑、君名暉、字士暉、扶風始平人、器量宏深、風韻清舉、信義聞于州里、孝弟著于閭門、歷官二朝、頻宰三邑、明于剖斷、善于綏養、留心庶獄、小大已情、寇盜出奔、囹圄空索、故使鄉閭敦睦、風俗和平、家識廉恥、人知禮讓、凡凡之麥、競秀雨岐、泄泄之雉、共櫛三異、縣尉兗州鄒縣孔經、泗州



高平縣魏君退、此地望清華、人才謹素、當官理劇、煩而不撓、縣城之北、有澧水焉、其水也、上引七里之源、旁吸百原之口、控清引濁、冬溫夏涼、漬粒朝興、則白日晝闇、澄波夕暎、則朱霞夜朗、厥水之上、雖有舊橋、每經汎長、隋流澌壞、車牛陷溺、行李嗟辛、有縣老人宋文彪等、悟鏡像之非真、知水泡之難住、勸脩十善、迴向一乘、各竭資產、兼相勸化、敬造石橋、曰濟行者、已開皇十一年、龍集于淵、獻月纏于降婁、爰共經始、數年乃就、碧柱浮空、烟雲等色、金堤枕浦、杞柳交陰、浩浩乎似應龍之導盟津、巍巍乎若靈籙之冠方丈、曰此善因、廣渡危難、仰願皇帝陛下、尊居太一道、邁虞唐、皇后配象陰精、德高任似、皇太子比曜前星、三善光備、内外文武州縣官寮、法界含生、咸蒙斯福、竊曰洛陽路首、尚傳超石之書、城都柱上、猶題長卿之筆、況復業隆遂古、功濟生民、不有闡揚、孰弘勸獎、于是立碑路側、曰彰厥庸、樹之風聲、懸諸日月、其詞曰、

星漢西轉、川瀆東傾、疏通雲及、津梁乃成、攸攸行道、隱隱車聲、雖

言利濟、詎免危城、其大悲拯物、寶珠斯現、瀉水疑瓶、口花似口、溪

口利口、廣開方便、善斷疑網、能除毒箭、其我皇負扆、君臨萬方、下

調玉燭、上叶珠囊、白環獻祉、丹書效祥、藻心玄米、邁彼輪王、其邯

鄲北走、澧源旁射、桑麻隱暎、川疇平易、是稱爽塏、實為滋液、士女

連任、車馬疊跡、其明明州將、垂恩不已、憂國若家、視民如子、溫其

玉潤、油然雲起、竹馬赴期、蒲鞭示恥、其穆穆良宰、達于從政、導之

禮樂、申以法令、行合章紘、清同水鏡、盜賊休止、黔黎歌詠、其有國

耆老、閭閻俊民、斷除三毒、歸依四真、故樓危壞、愍彼沈淪、燦金蓮

石、共造良因、其洪基寶產、飛梁口口口口口口口口口口口口口口口口

口口口口口口口口口口口口口口口口口口口口口口口口口口口口口口

口口口口口口口口口口口口口口口口口口口口口口口口口口口口口口

口口口口口口口口口口口口口口口口口口口口口口口口口口口口口口

乃夫氣下 嶽嶺寬泉流溢岷口口湊口口澍長波而口口翻下

億兆之口萬口越下既是凡口斯成郭矣我大隋皇帝口口口

口膺口火德金輪空至朱馬虛來口出神口口生下而口羣口

口邢州南和縣口口是口東海口口口鬱口南魏北口口饒民

于時下日槃根共口爭口口口口高峯下風遠布外慎口口

口謠口寬口口口赤子之念口口蓋于朝野高口口諸耳目秋

下呈神瑞下公可謂英才口口口口口聞下之名出口口

口林之下南口地口武都口臨口口器德下稽口口施口口

山岳口口口口口難者矣下志安民行成口口口爲口則南和

城後口口澧口洪源口彼高峯口波現于七口百下毀壞但已

停輪止轍口馬口蹤口口遠途困茲行李有縣老人宋文彪等並

是邦家領下洞識流口明鑒口口口脫口義此口心兼相勸

獎營斯上業遂于開皇年也歲次鵠下乃求工異域采玉珍山

龜柱通泉龍梁接漢參差巧鏤口模妙樂之階彫琢精奇狀下閭

闕下 申舞口口蘭口陵口而口口紅花全放遲春口口口綠葉

紛披值秋霜而更茂清風暫至闕下 併寫宮商之韻長卿一度畫

橋柱而遐心灑顯重輕蒞多羅而練性但已脩營往日功就今時

願闕下 所口莫非有爲之口念口口流竝是无常之道恐慮災風

橫口怒口瀏泮此既緣成畏闕下 喘息口閒黑闇口口何口片時

畱住信知形同石火盍尔口口命侶露口索然消滅是已仰囑將

來闕下 照空口口常樂或施財捨賄續此寬因或助力用功詳營

斯福令此途无擁口路恆通共越生死之闕下 闕乃願灑燈无盡

慧炬長輝度彼蒼生濟斯含識其辭曰

品浮上引重濁下沈口脩日月創造山口口口口口口尋重

超九口凡口寬濶其大海寬寬我皇巍巍四方慕化萬國咸歸靈

龜逞瑞潛口現輝祚隆口口口口口二其併寫宮商之口口口上

奉口口口口口爲口口早聘口口有好口口无競慎等四知清同



太祖武皇帝贊神龍虎剖判鬱日開基名頒讖牒謠歌真人火運告終土德承祚爰據圖箴享有天下驟改質文馳遷正朔英雄之氣蓋有餘矣昆丕魏高祖文皇帝紹卽四海光澤五都負展明堂朝宗萬國允文允武庶績咸熙正陵昇平時稱盛晏致黃龍表瑞驗兆漳濱玉虎金雞恆綸宇縣王乃黃內通理愠淑含英徵哲稟于自然博啓由于天縱佩金華呂邁四氣抱玉操如忽風霜綴贈藻于孩年攝酋什于孺歲尋聲制賦膺詔題詩詞采照灼子雲遙慚于吐鳳文華理富仲舒遠愧于懷龍又能誦萬卷于三冬觀于言于豈見才比山數思竝江湖清辭苑苑若藜藿之蔚鄧林綠藻如妍如河英之照巨海武庫太官之譽握促之器者也但祿由德賞頗亨王爵建安十六年封平原侯十九年改封臨淄侯都不以責任爲懷直置清雅自得常閑步文籍偃仰琴書朝覽百篇夕存吐握使高據擅名之士侍宴于西園振藻獨步之才陪遊于東閣

黃初二年，奸臣謫奏，遂貶爵爲安鄉侯。三年，進立爲王。口京師面陳濫謫之罪，詔令復國。自己懷正信如見疑，抱利器而無用，每懷怨慨，頻啟頻奏。四年，改封東阿王。五年，已陳前四縣封復，封爲陳王。呂讒言數構，奸臣內興。十一年，裏頻三徙都汲汲無歡，遂發憤而薨。時年卅有壹，卽營墓魚山，傷羊茂臺，平生遊陟有終焉之所。既如年代，負遠兆塋崩淪，茂響英聲，遠而不絕。至十弋世孫曹永洛等，去齊朝，皇建二年，蒙前尊孝熙皇帝，恢弘古典，敬立二王，崇奉三恪。永洛等于時膺符表貢，而奉熙皇親訓聖詔，比經窮討，皆存實錄。蒙敕報允，興復靈廟，饋嗣烝嘗，四時受謁，使恭恭嗣子得展衷誠之願。煢煢孝孫，長畢昊天，之慕遂雕鏤真容，鐫金寫狀，庶使口口口相度，永劫而不泯。七步文宗，傳芳猷于萬葉者也。其詞曰：

惟王磐石斯固，締緒攸長。波連溟渤，枝帶扶桑。分珪作瑞，建國開

壇蕙樓茵閣遠邁靈光

其

器調高奇風革梳朗談人刮舌靈蛇曜

掌東問晨開西茵夜賞桐華桂茂玉潤金響

其

聲馳天下道冠生

民才驚曠古德重千鈞混之不濁磨而不磷如何一旦萎我哲人

其

三山舟易失日車難駐壹謝人間長遵堦路風哀松柏墳穿狐兔

何世何生還成七步

其

迺考惟昆廓定洪基受圖應祿運合紫微

一辭皇闕永背象口口口日轉響逐雲飛

其

大隋開皇十三年歲

次星紀

下關碑  
拓本

賜進士出身一品銜廣東等處提刑按察使司按察使兼管驛傳事務黃岡王毓藻校刊

全唐文卷二十九終